

# جوازة بالتدييسن

روايه  
حسناء محمود

me





يعنى عجبك الصايح اللى كانت بتحبه دا ميقدرش بيقى راجل ويفتح بيت

الامر : لا مش عاجبنى بس ع الاقل كنا نسيبها تختار حد تانى

الاب : صدقيني انا عارف ان مصطفى بيحبها من زمان وهيشيلها ف عينيه دى بنتى برده يا ابتهاج وانا عارف مصلحتها ..... ادعيها ونامى بقينا وش الفجر

.....

مصطفى : عارفه يا مها انا بحبك من واحنا عيال صغيره دايمنا كنت بخاف عليكى بس مكنتش اقدر اواجهك واقولك كدا عشان كنت مستنى ابقى راجل واقدر افتح بيت واخذك ف بيتى والحمد لله ربنا رزقنى بيكى ف الحلال

مها : \_\_\_\_\_

مصطفى : احم احم واضح انى رغاى

مها : لا ابدنا ممكن ادخل انا بردت

مصطفى : اه طبعا يا حبيبتى يلا غيرى هدومك

مها : اوك

وبعد ما دخلت الاوضه

,, مها ( يارب ليه بس كدا انا كان نفسى اتجوز اللى بحبه اوى استغفر الله العظيم ) ليه كدا يا محمد تتخلى عنى وتسيبنى لغيرك انا طول عمرى بحبك ومعملتش فيك حاجه وحشه

نرجع فلاش باك

! مها بعصبيه : يعنى ايه انت هتسيبنى

..... محمد : بقولك ايه اهدى ووطى صوتك احنا ف النادى

مها : اهدى ازاي انت شايف كلامك دا يهدى ؟

محمد : مها انتى عارفه انى بحبك زى ما بتحبينى بس اعمل ايه مفيش بايدى حاجه ابوكى مش موافق وانا كمان مقدرش اجى ع كرامتى اكثر من كدا

! مها بتعجب : اكثر من كذا ايه دا انت حتى محاولتش غير مره واحده

محمد : اومال احوال كام مره عشان اعجب سيادتك

مها : سيادتي ! دا كلامك يا محمد ؟

محمد : ايوه هو دا كلامي

مها : تصدق خساره فيك اقول حتى سلام يلا حسبى الله ونعم الوكيل

( مها ) يارب انا عارفه انى غلطت بس مش قادره ادى نفسى لحد تانى يارب ساعدنى

! مصطفى : مها انتى روحتى فين كل دا

..... مها : وفتحت الباب اسفه

مصطفى بحنان : مالك يا حبيبتى مش عارفه تشيلى الفستان ؟  
اساعدك ؟

مها بخضه : لا لا انا هغير اهو توانى بس

... مصطفى : ههههه ومالك خوفنى كذا ليه براحتك خالص انا مستنى بره

وبعد شويه

.. مها : انا خلصت

مصطفى : ايه القمر دا  
! بس لسه لابسه الحجاب

مها بلخبطه : اه اسفه

.... مصطفى بابتسامه : طب استنى اشيله انا

... مها : لا انا بعرف اشيله

,,, مصطفى : استنى بس دى كانت امنيه حياتى

... واستسلمت مها وفعلا شاله

مصطفى : ماشاء الله شعرك حلو اوى وكمان طويل ياما انت كريم يارب كان نفسى مراتى يبقى شعرها طويل

, مها اکتفت بابتسامه

قرب منها مصطفى وباسها ع جبينها

... مصطفى : ربنا يخليكى ليا يا اجمل هديه من ربنا

مها واترعثت جدا لما قرب منها

مصطفى : اهدى مالك انتى خايفه منى ؟ انا جوزك مش حد غريب عموما انا مش هقرب منك غير برضاكى لحد ما تاخذى عليا انا راجل برده بس هطلب منك طلب ممكن ؟

مها وارتاحت شويه : اتفضل

مصطفى : ممكن تنامى ف حضنى كان نفسى فيها اوى من زمان

\_\_\_\_\_ : مها

مصطفى : السكوت علامه الرضا يلا عشان نرتاح قبل ما الجماعه يوصلوا بكره

.....

الحلقة التانيه -

مصطفى : بصى يا حبيبتى لما حد يسألك من اهلك ايه الاخبار قولى الحمد لله تمام وبس عشان محدش يقلق علينا اتفقنا ؟

.. مها بابتسامه خفيفه : اوك

..... مصطفى : يلا جهزى نفسك لحد ما يوصلوا

,,,, وفعلا وصل اهل مها الاول الاب والام

,, الام : لولولولولوى صباحيه مباركه يا حبيبتى

.. الاب : صباح النور يا عروسه

مها اکتفت بابتسامه من غير نفس

مصطفى : اهلا اهلا اتفضلوا شرفتوا والله

الاب : ايه يا درش الجواز حلو بقى ؟

مصطفى : هههههههه هو احنا لحقنا بابا

الاب : هههههههههههه ربنا يتمم بخير يا حبيبتى

مها : هقوم اجيب عصير

مصطفى : لا يا حبيبتى خليكى انتى مع ماما انا وعمو هنلعب دور شطرنج ولا ايه يا عمو

الاب وفهم مصطفى : ايوه يلا يا ابو نسب عشان اغلبك

وبعد ما سابوهم

الام : ايه الاخبار يا عروسه

مها بضيق : الحمد لله تمام

الام : مالك يابنتى فيه حاجه

مها : لا ياستى بس بطلى تقولى عروسه عروسه انتى مصدقه

,, الام : هوووش وطى صوتك جوزك يسمعنا ايوه عروسه واحلى عروسه كمان  
يابنتى الله يهديكى جوزك دا مفيش زيه مينفعش كدا

... مها : طيب ياماما خلاص عرفنا

وبعد ساعات من الاعمال الشاقه من تقديم العصير وفرجة الناس ع الشقه والذى منه المعروف ...

مصطفى : ياااااااه اخيرا لحظه هدوء

مها : هههههه اه

مصطفى : ايه دا انتى ضحكى اخيرا لولولولى

مها واكتفت بابتسامه

مصطفى : معلىش عارف ان ولاد اختى بهدلوكى من بعد ماما وبابا الله يرحمهم مليش غير اختى و ولادها

مها : لا ابدأ دول عساسيل اوى ربنا يحميهم

مصطفى : هههههه والله ما عساسيل الا انتى

مها : هقوم احضر العشا

مصطفى ومسك ايديها : لا خليكى معايا

مها سحبتها بسرعه : زمانك جعان

مصطفى : طب اقولك تعالى نحضر مع بعض

وبعد ما خلصوا

مصطفى : تسلم ايديكى الاكل طعمه حلو

مها : شكرا

مصطفى : طب تيجى نتفرج على التلفزيون شويه ؟

مها : اوك

مصطفى : حظك حلو المسرحيه اللى بتحبها شغاله

مها باستغراب : عرفت منين





ترجعی بالسلامه یاحیبیتی

-----  
مها بخضه : ایه فیه ایه

مصطفی : ایه یاحیبیتی بس کنت هشیلک اصلک نمتی

مها : لا شکرا هقوم انا

مصطفی : طیب قومی یلا اساعدک

مها : لا سبنی هقوم اهو

وفعلا راحت مها نامت ع السریر

! وسابها مصطفی وقعد یفکر شویه

مصطفی ( هی بتعمل معايا کدا لیه

یمكن مکسوفه یا اخی  
بس انا مش غریب عنها دا انا جوزها

اصبر شویه علیها

حاضر اما اشوف

////////////////////  
... الحلقة التالته -

سلمی : یعنی بعد کل اللى حکیتیه دا ناویه تعملی ایه

مها : هطلق طبعا

سلمی : انتی عییطه یابنتی والله حرام علیکی







! محمود : يعنى هتكلم مها وهى متجوزه

محمد : وليه لاء

محمود : وليه اه اساسا مش خلاص اتجوزت

محمد : اسكت ياض دى مصلحه كبيره  
.... لما تكبر هبقى افهمك

.....

: الحلقة الرابعه

و على قهوة شبابيه ف الدقى

ياسر : وجووووووووووول الله عليك ياتريكه يا حبيب الملايين

مصطفى : مش قولتلك هيعملها مبروك علينا يامعلم

ياسر : المشاريب ع حسابك المره دى يا عريس بقى

مصطفى : ياعم بلا عريس بلا بتاع

ياسر : اوووبا لحقت تعيط من الجواز ياحلو ما قولتلك اصبر ياعم متدخلش القفص دلوقتى

مصطفى : والنبي يا ياسر بطل هزار مش وقته

ياسر : اممم شكل الموضوع بجد قوم بينا نتمشى ع الكورنيش

مصطفى : لا خلىنا مليش نفس

ياسر : يا راجل ابقى جايبك كل المسافه دى ونيجى الدقى ومنروحش الكورنيش عيب عليك قوم يلا  
واهو نتكلم بهدوء

-----



---

وعلى كوبرى الدقى ومنظر النيل التحفه اللى بيعشقه اى مصرى ومراكب النيل الجميله اللى ماشيه فيه وفرحه الاطفال والناس اللى راكباه

ياسر : بدمتك شوفت منظر احلى من دا يهدى الاعصاب

مصطفى : لا مشوفتش

ياسر : ياساىر يارب ومالك بتقولها وانت مكشركدا ليه

مصطفى وفضل ساكت

ياسر : يا عممممممممممممم انا هنا بكلمك مش هتلكيلى بقى متخافش عمرى ما هطلع سرك بره وخصوصا لو سر بيت

مصطفى : انت عبيط يابنى دا احنا عشره عمر

ياسر : طيب قول بقى في ايه

وحكاله مصطفى ع اللى بيحصل

ياسر بصدمه : يعنى ايه برده مش فاهم

مصطفى : يعنى بقالى ساعه برغى وتقولى يعنى ايه ايه اللى مستاهل فهم بقولك بقالى اكثر من اسبوع متجوز وملمستش مراتى

ياسر : طب ليه ؟

مصطفى : دا اللى بحاول افهمه

ياسر : عادى يابنى ف بنات كتير كدا بتبقى صعبه عليهم

مصطفى : منا عارف بس قلبى مش مطمئن





بس بصراحه اول مره اشوف واحد بيشتغل زى هانى جوز اختك

مصطفى : اه ما شاء الله عليه طول عمره بيحب الشغل  
يلا ربنا يباركلنا

انا قربت ارجع اهو شكلها مفيش شهر عسل  
يلا انا هقوم ارواح بقى

.....  
.... مها : يابنتى دى بتقول الدكتور ممكن ميقلش انا هاجى وخلص اصلا زهقت من قعده البيت دى

سلمى : انتى حره يا مها بس انا متأكده ، براحتك بقى

مها : طيب بقولك ايه هقفل عشان مصطفى جه نتقابل بكره بقى

ودخل مصطفى : السلام عليكم

مها : وعليكم السلام

مصطفى : ايه القمر دا انا متجوز قمر ياناس  
وكانت مها لابسه عبايه بيتى لونها ابيض مطرزه بخيوط فضى

مها بكسوف : شكرا

مصطفى بهزار : بس انتى محترمه كدا ليه

مها : يعنى ايه

مصطفى : عبايه وبكم وطويله وحجاب ايه يا حاجه راحه تحجى انتى فى بيتك

مها : ههههه عادى عجبانى

مصطفى : طب استنى هوريكى حاجه

وشدها من ايدها ودخل اوضتهم

! مها : ايبيه بس

متكلمش مصطفى وبهدوء شال الحجاب ومسك مشط وسرح شعرها بهدوء ووقفها قدام المرايه

مصطفى : بدمتك مش كدا احلى

: وراح ع الدولاب وطلع قميص نوم وقالها  
شوفى كمان لو لبستى دا هيبقى احلى بكتير

مها فضلت ساكته من غير اى رد فعل  
مش عارفه تتكلم ولا تقول ايه حاولت تتوه وافتكرت فجأه

مها بلخبطه : اه اه انا هنزل بكره الكليه

مصطفى باستغراب : ليه

مها : فى محاضره مهمه بكره وفيها غياب وحضور لازم احضرها

مصطفى : طب مينفعش تعملى اى اعتذار

مها : ماانا عملت بس مش نافع

مصطفى : طيب يا حبيبتي انا هطلبك السواق بكره يوديكي ويجيبك عشان الحر

مها : اوك هروح احضرك الاكل

مصطفى وشدها من ايديها : استنى بس راحه فين هو دا وقته

مها : هحضر الاكل

مصطفى بحنيه : مش جعان تعالى هقولك حاجه

مها : ايه

مصطفى : انتى بتترعشى كدا ليه يا حبيبتي بس هو انا غريب عنك ؟ لسه بتخافى منى

مها فضلت ساكته

مصطفى وخدها ف حضنه : متخافيش انا جوزك وبجبك ومش هأذيكى و دا امر طبيعى بينا

( مها ) هو انت ليه مش قادر تفهم انى رفضى ليك يعنى مش عايزااااا افهم بقى ياخى







مها : بينى وبينك وانا كمان

سلمى : اومال بتكلميها ليه

مها : يعنى اصلها سألت وكدا ولما اشوف اخرها

سلمى : خلاص خلاص اهى هناك  
مش هتبتل ام لبس الزباله بتاعها دا

وكانت ساره لابسه بنطلون سكينى لونه احمر وعليه بادي اسود

مها : ملناش دعوه اسكتى

ساره من بعيد : هاللى يابنات

مها : وعليكم السلام ياختى

ساره : العروسه الحلوه اللى نورت الكليه

مها : بنورك يا سوسو

ساره : سيمووو ازيك يا حبي

سلمى : الحمد لله تمام  
مش يلا بقى المحاضره هتبتدى

مها : اوك يلا بينا

---

و فى الشركه

مصطفى: اه والله يا هانى انا فعلا محتاج سكرتيره مواعيدى متلخبطه والحمد لله الشركه كبرت  
مبقتش زى الاول محتاج حد ينظم

هانى : بالطبط كدا الحمد لله ربنا كرمنا من واسعه عايزين نهتم بشغلنا ونوسع كمان ع قد ما نقدر

مصطفى : خلاص اتفقنا

هانى : طيب سيبك من الشغل دا بقى وقولى عامل ايه ف الجواز يا ابو نسب

مصطفى : اهو الحمد لله ماشى الحال

هانى : عندى اوامر عليا من اختك ميار هانم بعزومه عاجله وليست اجله ليك وللمدام

مصطفى : هههههههه مش هينفع والله اصل مراتى نزلت كليتها النهارده وكمان مقولتهاش

هانى : لالالالا مليش فيه انت عايزها ترمى عليا يمينا الطلاق ويتخرب بيتى انا والعيال

مصطفى : هههههههههههه لا ياسيدى ميرضنيش

هانى : خلاص انا هقوم امضى شوويه ورق تكون انت كلمتها وقولتلى

مصطفى : ماشى تمام

وبعد المحاضره

مها : اووووووووف محاضره ممله يارتنى ما جيت

سلمى : ههههههههههه احسن تستاهلى

ساره : ليه يابنتى اهو استفادتى

ورن موبايل ساره

ساره : استنوا هرد ع الموب واجى

وبعد ما بعدت

سلمى : اوف مش هنمشى بقى تعالى نروح للشله ونخلص منها

مها : بس ياستى عيب لما نشوف هى هتعمل ايه ونخلع احنا







## الحلقه السادسه

! مها : محمد

محمد بحزن : وحشتيني

مها ( وانت اكثر بكتير اوى ) : محمد لو سمحت امشى لو حد شافنا هتبقى مشكله  
محمد : عشان خاطري عايز اقعد معاكي شويه

مها ( ياريت تفضل العمر كله ) : انا متجوزه دلوقتي يامحمد مينفعش  
محمد : عارف ،، متقوليهاش تانى قلبى بيوجعنى

مها ( كان نفسى اقول مراتك ) : بيوجعك دلوقتي ! طب ماانا كنت قدامك  
محمد ومسك ايدها : بلاش نتكلم ف اللى فات سيبينى اعيش شويه وانتى جنبى

مها وسحبت ايدها بسرعه وبصت حواليتها : هتعملى مشاكل يامحمد امشى  
محمد : طب قابلينى ف نفس المكان بتاعنا عشان نتكلم براحتنا

مها : لا طبعا مينفعش امشى يامحمد سلمى وساره زمانهم جاين متعمليش فضيحه  
محمد : هستناكى يا .. ياحبيبتى

---

هانى : ايه ياعمونا كلمت مراتك  
مصطفى : موبايلاها غير متاح انا قلقان

هانى : ههههه هتلاقيها ف المحاضره يا حنين  
مصطفى : مش عارف يا هانى حاسس ان قلبى مقبوض

هانى : خير يابنى طب كلمها تانى  
مصطفى : بتصل اهو

,,, ودخلت موظفه عليهم  
الموظفه : استاذ هانى فى عميل عايز يقابل حضرتك  
هانى : طيب انا جاى اهو دخليه المكتب

وبعد ما مشت



مها : ليه؟

مصطفى : ميار اختى عزمانا ع الغدا ومصممه ومش عارف اقول لا معلش هنروح

مها : اه اوک عادى

مصطفى : مش مضايقه ؟

مها : لا ابداء خير هستناك بس متأخرش عشان سلمى مش هتقعد كتير

مصطفى : هخلص اللى ف ايدى بسرعه واجى يا حبيبتى

مها : اوک سلام

مصطفى : مها

مها : نعم ؟

مصطفى : انتى كويسه يا حبيبتى صوتك فيه حاجه

مها بلخبطه : لا ابداء ارهاق بس

مصطفى : معلش لما نروح نامى براحتك

مها : اوک سلام

وبعد ما قفلت رجعت لسلمى

سلمى : هتروحي ولا ايه

مها بضيق : لا ياستى معزومين عند اخته

وهيجى ياخدنى

سلمى : ومضايقه ليه ؟

مها : مستغربه ازاي عرف ان فيا حاجه بيقولى صوتك متغير هو انا صوتى متغير ؟

سلمى : بالنسبه ليا مش هحس قد ما هو يحس

مها : اشمعنى

سلمى : عشان دا بيعشك يا مها مش بيحك بس

مها بحزن : ما هو دا اللى مجننى يا سلمى بجد مصطفى انسان كويس فيه حنيه الدنيا كلها اى بنت  
تتمناه بس الا انا .. انا مش حساه

سلمى : قصدك مش عارفه تحسيه

مها : سمياها زى ما تسمياها بس غصب عنى مش شايفه نفسى الا مع محمد مش قادره ادى  
نفسى لحد غيره

سلمى : والله محمد دا ازبل انسان شوفته ف حياتى

مها : انا تعبانه اوى

سلمى واخذتها ف حضنها : ربنا يهديك الحال ويريح قلبك يا صاحبتى

مها : يارب يا سلمى يارب

---

محمود : عملت ايه

محمد : سبع يا معلم طبعا

محمود : برده مغيث فايدة

محمد : انا مش عارف قلبك بقى حنين فجأه كدا ليه ما تجمد قلبك شوويه

محمود : انا خايف عليك يا صاحبي اصل المره دى متجوزه ما بلاش

محمد : ما هى احسن حاجه انها متجوزه هعمل اللى انا عايزه والبسها ف جوزها دى متعه

محمود باستغراب : قصدك ايه اوعى يكون اللى ف بالى

محمد : ايووووووووه هو بعينه

---

مها : اهو مصطفى جه

سلمى : طيب همشى انا بقى

مها : استنى اعرفك عليه

وكان مصطفى جاى ف عربيه هيونداى حمرا  
ولابس قميص ابيض وكرفات موف ع بنطون اسود

مها : مصطفى دى سلمى صحبتى

مصطفى : اهلا وسهلا ازيك ؟

سلمى : الحمد لله يا دكتور مصطفى

مصطفى : ما بلاش القاب احنا اخوات ولا ايه

سلمى بابتسامه : اه اكيد طبعا  
طيب عن اذنكوا بقى

مصطفى : لا لا راحه فين هنوصلك ولا ايه يا مها

مها : ايوه يا سلمى اركبى يلا مش هتلاقى مواصلات دلوقتى

سلمى : البيت مش بعيد دا هنا ف الجيزه

مصطفى : ادبىكى قولتى اهو مش بعيد يلا بينا بقى مش مستاهله

مها وشدتها : يلا يابنتى بقى

سلمى : حاضر تسلم ربنا يخليك

مصطفى : عملتوا ايه بقى ف الكلبيه

مها : مفيش حضرنا محاضره وجينا

مصطفى : يلا ربنا يوفقكوا ان شاء الله عايزين تقدير

سلمى : يا رب ان شاء الله ادعيلنا

وبعد شويه

سلمى : ايوه بس اخر شارع دا

مصطفى : طب استنى ندخلك

سلمى : خلاص ملهاش لازمه

مصطفى : بس خلاص اهو

سلمى : ماشى شكرا اتفضلوا معايا

مها : تسلمى يا حبيبتى وسلمىلى ع طنط كتير

سلمى : الله يسلمك سلام

وبعد ما نزلت

مها : شكرا

مصطفى : على ايه

مها : توصيل صحبتى

مصطفى : دا واجب مش صاحبة مراتى برده ولا ايه

مها : اه

مصطفى : سيبك انتى

وحشتينى ع فكره

مها واكتفت بابتسامه

مصطفى : اممم مش مهم تردى بس قوليلى مالك حاسك فيكى حاجه

مها : منا قولتلك مرهقه بس

مصطفى : ف حد ضايقك ف الكليه ؟

مها بلخبطه وحاولت تتوه : لا ايدا مفيش حاجه

هو البيت بعيد







محمد : مش قادر اقتنع انك لحد غيرى

مها : انت اللى بعث

محمد : يعنى انتى مبسوطه معاه

مها : اه جدا

محمد : كدابہ انتى عمرك ما هتكونى مبسوطه غير معايا

مها سكتت

محمد : مها انا عايز اشوفك

مها : مينفعش

محمد : ابوس ايدىكى لازم اشوفك

مها : سبنى ف حالى

محمد : هستناكى بعد بكره فى نفس مكاننا الساعه 2 ، سلام

وقفل محمد الخط بعد ما رمى طعم ف صنارته وكان واثق ان مها هتروحله وفضلت مها صاحيه تفكر ف كلام محمد

بس ياترى القرار ايه

-----  
تانى يوم الصبح

... مصطفى بصوت واطى : مها مها

مها مغزوعه : ايه فى ايه

مصطفى : بسم الله الرحمن الرحيم ايه يا حبيبتى انا اسف

مها وشدت الغطا على نفسها : فى حاجه يامصطفى

مصطفى : انا نازل الشغل مش عايزه حاجه







مها :بلا عرسان بلا قرف

الام : ليه كدا يا بنتى هو حصل حاجه

مها بضيق : مفيش

الام : بصى يامها انا عارفه انك مغصوبه ع الجوازه بس بكره تعرفى ان ابوكى عنده حق

مها : يووووه هنفتح ف الحوار دا تانى

الام : انا بقولك اللى يريح ضميرى

مها : ماشى ياستى متشكرين

الام : متتأخروش بكره بقى

مها : هقول لمصطفى واكلمكوا

---

وفى مكتب مصطفى دخلت السكرتيره

يسرا ( ياااه المكتب تحفه ايه دا كل دا مكتب وورد ولا المز دا هشتغل معاه ازاي طلع عندك حق يا بت  
( يا الاء شكلها هتلعب معانا

يسرا : احم السلام عليكم

مصطفى وبص على يسرا  
اللى كانت لابسه جيب قصيره شويه وعليها جاكيت نص كم  
وعليكم السلام اتفضلى يا انسه :

يسرا وحطت ورق ع المكتب : دا السى فى

مصطفى وبص فيه : يسرا صح

يسرا ( ايه الذكاء دا اومال مكتوب سنيه مثلا ) : اه يا فندم

مصطفى : طيب مكتوب خريجه تجاره ايه علاقه التجاره بالسكرتاريه



مها : طب منا اتصلت كتير كان مقفول

مصطفى : الموبايل فصل شحن

مها : اوك هحضرك الغدا

مصطفى : لا يا حبيبتى انا اكلت خلاص هناك

اصل ياسر كان تعبان بقاله كام يوم ومحدث معاه ف شفته جنباله اكل انا وهانى واكلنا كلنا

مها : ليه هو مش متجوز

مصطفى : لا عازب وباباه متوفى وامه مسافره لاخته برا مصر

مها : اه سلامته

مصطفى : الله يسلمك يا حبيبتى انا اسف متزعليش الظروف جت كدا

مها : ولا يهملك

مصطفى : وحشتينى اوى

مها : تسلم

مصطفى : امممم طب ما تيجى ننام

مها : اوك انا هدخل انام تصبح ع خير

وراحت ع الاوضه اللى جنب اوضه نومهم زى كل يوم

مصطفى شدها من ايديها : رايحه فين بقولك وحشتينى تسيبينى وتمشى

مها : فى ايه

مصطفى ومتكلمش وشالها

! مها : مصطفى نزلنى انت بتهزر

مصطفى : لا مبهرزش مراتى وانا حر فيها يا ستى مالك انتى

وخدها اوضتهم



وطبعا مها وشها جاب كل الالوان شويه كسوف على خوف ع رفض  
مها : ممكن تنزلنى بقى

مصطفى : لا هيه بقى

مها بعصبيه : يوووه نزلنى بقى

مصطفى ونزلها : طب من غير عصبيه انا بهزر معاكى

مها ومردتش

مصطفى : مها ممكن نتكلم شويه بصراحه

مها وبدأت تقلق : اوك اتفضل

مصطفى : انتى ليه كل ما اقرب منك تعملى كدا

مها : كدا ازاي يعنى

مصطفى : يعنى تزعقى وتبعدى عنى

مها : عادى

وسابته ومشيت

مصطفى وشدها من ايدها : لما اكون بكلمك متسبينيش وتمشى  
مها : انت بتكلمنى كدا ليه سيب ايدى

مصطفى : لما اكون بكلمك متسبينيش وتمشى يا مها تمام ؟  
مصطفى : ردى عليا انتى بتعملى كدا ليه

مها بعصبيه : عشان مش عايزاك

! مصطفى بصدمه : عشان مش عايزاك

طب لو مش عايزانى وافقتى عليا ليه ؟

ليه فرحتينى وانتى مش عايزانى

مها وسكتت

مصطفى وبدأ يزقق : ردى عليا ليه بتعملى فيا كدا

كل دا عشان حبيتك طول عمرى  
... حرام عليكى بجد هو انا ضعيف اوى كدا فى نظرك تلعبى بيا

مها : ملعبتش بجد ومش ضعيف

مصطفى : اومال ايه ردى عليا وفهمينى

مها : بابا بس اللى كان موافق وانا موافقتش على حد  
..... مصطفى انا اسفه غصب عنى بس انا مش قادره اتأقلم و

وقاطعها مصطفى : خلاص خلاص فهمت  
عايزه تطلقى يعنى

بس انا لو طلقتك قبل شهر جواز الناس هتفهم غلط وهتبط سمعتك وانا ابوكى ربانى ومرضاش على  
بنت الراجل اللى ربانى كدا

مها وحاولت تتكلم : مصط

مصطفى : مش عايز اسمع منك كلام اللى انتى عايزاه هيتنفذ بس قدامنا شهرين او ثلاثه بالكثير  
ويتم الطلاق ونفكر فى حجه ساعتها  
البيت مفتوح وهتفضلى موجوده لحد ماتروحى بيت اهلك معززه مكرمه وانا مش هتعرضلك تانى فى  
اى حاجه

..... وسابها وخرج من الاوضه

.....

الحلقه الثامنه

سالى بصدمة : انتى بتستهبلى ازاي تعملى كدا

مها : هعمله ايه يعنى انتى كمان

سلمى : والله ما شفت فى برودك ياشيخه ونازله الجامعه عادى

مها : ايه هو انا جايبه هنا عشان كل واحده فيكوا تشتم فيا شويه

سالى : اصلنا شايفينك بتستهيلى

مها : لا بستهيل ولا حاجه انا حذرت بابا وهو اللى صمم خلاص اشربوا بقى

سلمى : محدش هيشرب غيرك انتى يا مها والله

سالى : ايوه بالظبط كدا وجوزك دا نعمه مش سهل تلاقى حد بيعبك كدا وانتى بترفضى النعمه بايديك

مها : خلاص بقى ياجماعه انا جايه افك مش تقفلونى اكثر

سلمى : دا على اساس انه فارق مع سيادتك يعنى بقى عندك دم فجأه

مها بضيق : سلمى اسكتى بقى والله همشى

سالى : خلاص ياجماعه اهدوا الحق علينا خايفين عليكى انتى حره

مها : ماشى هى الساعه كام ؟

سالى : الساعه 1

مها : اوك لما تيجى الساعه 2 الا ربع كدا قولوا

سلمى : اشمعنى ؟

مها : مفيش ورايا مشوار

..... وفى مكتب مصطفى

الاء : يسرا بطللى هبل دكتور مصطفى دا محترم جدا ومالوش فى كدا

يسرا : مفيش راجل مالوش فى كدا ياهبله كلهم صنف واحد

الاء : هتعملي ايه يعنى



... راحت مها عشان تقابل محمد ، وقفت تدور عالترابيزة و اخيرا لقيته

محمد : مش مصدق انك جيتي

مها : انت عايز ايه مني

محمد : اهدى بس واقعدى نتكلم

مها وقعدت : اتفضل اديني قعدت ها

محمد : وحشتيني اوى والله

مها سكتت

محمد : انتي بقيتي بتسكتي ليه انا عارف اني كمان وحشك ولسه بتحبيني

مها : وجايب الثقة دي منين

محمد : مها حبيبتي بلاش نضيع وقت انا اكرر واحد فاهمك وعارفك  
تعالى نشوف حل

مها بضيق : لا ياراجل بعد ما اتجوزت جاي تقولى نشوف حل  
حل ايه اللي هنشوفه

محمد بزعل : هو انتي كل شويه هتفكريني يا مها حرام عليكى بقى

مها وحنت : خلاص يا حـ اقصد يامحمد هسكت

محمد : قوليه يامها وحشتنى منك قولى يا حبيبى هو انا مش حبيبك ؟

مها : ايوه يامحمد انت حبيبى وكل حاجه بس انا دلوقتى متجوزه واللى بعمله دا غلط

محمد : مش قدامنا غيره

مها : لا قدامنا

محمد : ايه اللي قدامنا

مها : انا قولت لمصطفى انى مش عايزاه وهيطلقنى قريب

محمد بخضه : ايه انتى اتجننتى

مها باستغراب : ومالك اتخضيت كدا هو انت اللى هتطلق

محمد بلخبطه : لا لا ايدا بس الموقف صعب  
مينفعش تطلقى

! مها : اومال هنرجع لبعض ازاي وانا متجوزه

---

.... و ف الشركة

ياسر بصدمة : ايه اللى بتقوله دا

مصطفى : وطى صوتك يا ياسر بقولك عايز الكلام بينى وبينك تزعق

ياسر : انا اسف معلش اتصدمت

مصطفى بحزن : اومال انا اعمل ايه بس

ياسر : معلش يا صاحبي اهو نصيب ولا يهملك بكرة نشوفلك الاحسن

مصطفى : يعنى انا بحكليك عشان تقولى كدا مانا كان قدامى الاحسن يا ياسر بس انا عايز دى انا  
بحبها بجنون والله ما حبيت غيرها

ياسر : اهدى بس ليها حل

مصطفى : هو فين دا انا مش شايف اى حلول هى مش عايزانى اجبرها تعيش معايا يعنى

ياسر : لا يا صاحبي فى حاجات تانيه

! مصطفى : زى ايه

---

وفى الجامعه

محمود ( صاحب محمد ) : بس ياسيدى هى دى كل الحكاياه

احمد (صاحب محمود) : طب وانت مالك يا اخى هى تفرق معاك فى ايه

محمود : ياابنى خلى عندك دم يعنى دى لو اختك كنت هترضى عليها كدا ؟

احمد : اكيد لاء بس هى متقربلكش بحاجه

محمود : على الاقل الزماله وبعدين دى مها انت مش فاكرها  
البنيت العسوله البيضه اللى عيونها عسلى دى وكانت دايمما تقعد مع محمد وانت تتراخم عليها

احمد : ما محمد بيقعد مع بنات كتير هفتكر مين ولا مين

محمود : على رأيك بس دى تختلف

احمد : اشمعنى ياخويا

محمود : البنيت دى محترمه طول عمرها حتى لما كانت بتكلم محمد كان كل الكلام باحترام وحدود وانا  
طول عمرى بقدرها وبحترمها

احمد : طب بدام انت عارف من الاول انه مش بيحبها مقولتش ليه

محمود : كنت فاكر انه هيتعدل بس مفيش فايده

احمد : اممم والمطلوب ؟

محمود : فكر معايا فى حل انا لازم افهمها الموقف

احمد : يا سيدى هى لو محترمه اصلا ماكانتش تكلمه تانى خصوصا بعد ما اتجوزت

محمود : انت عارف الحب ممكن يخليك تغلط غصب عنك وعشان كدا انا عايز اكلمها

احمد : بصراحه ماانصحكش يا صاحبي هتعمل مشاكل وهى مش هتصدقك انا من رأيى تبعد عنهم  
هما الاتنين ياما قولتلك محمد دا مش زينا ولا شكلنا بس انت مفيش فايده

محمود : اووف جبتك يا عبد المعين ماشى ياسيدى





مها : الحمد لله  
انا هقوم اجهر الاكل مع ماما

مصطفى : ماشى يا حبيبتى

الاب : يلا يا مصطفى شد حيلك عايز بابا دى تبقى جدو

مصطفى بصعوبه : اه اه طبعا وهتبقى احلى جدو كمان

الاب : يا رب يابنى اشوفلكوا عيل قبل ما اموت

مصطفى : بعيد الشر يا حاج ان شاء الله هتعيش وتشوف

وحاول يتوه على الموضوع  
مصطفى : ايه يا مها انا عصافير بطنى بتصوصو

وفى المطبخ

الام : ايه الاخبار يا مها

مها باستعباط : اخبار ايه

الام : اخبارك مع جوزك

مها : الحمد لله ماشى الحال

الام : يارب دايمنا يابنتى ربنا يهدى سرکوا  
مصطفى طيب وابن حلال وبيحبك

مها : يارب

يلا بينا مصطفى بينادى

و

بعد ما روحوا

مصطفى : على فكره من الاحترام انك لما تبقى نازله تقولى انا نازله انتى قاعده فى بيت راجل مش  
تكيه هى

...مها واتصدمت من الكلام : اه انا اسفه اصل

مصطفى وقاطعها : لا اصل ولا فصل مش عايز اسمع اعذار اخر مره تتكرر وعندك رقم السواق اتصلى بيه يجيلك فى اى وقت انا برده راجل ومحيش مراتى تتبهدل فى الموصلات حتى لو هطلقها

وسابها وخرج

مها ورنت كلمه طلاق فى ودنها ( ياااااااه مين كان يصدق انى اوصل للمرحله دى اتجوز واطلق كدا عادى

مش انتى اللى عايزه كدا اشربى  
يعنى كنت هعمل ايه اعيش مع واحد مش طابقاه  
وهو اى واحد دا جوزك وكمان بيحك  
يووووه يادى الكلمه اللى عماله تتكرر كتير  
( خلاص خليكى مع اللى بتحببه لحد ما يوديكي فى داهيه بس مترجعيش تعيطى

ورن الموبايل

مها : الو

محمد : ايوه ياروحى

مها : انا لسه مفكرتش يامحمد

محمد : ومين قالك انى متصل عشان اعرف رأيك انا مش هسيبك تنامى لوحدك

مها : بجد

محمد : طبعا يا حبيبتي مش احنا زمان كنا بنام كدا بحبك اوى ياميهو

مها وضعفت : وانا كمان بحبك اوى

.....

الحلقه التاسعه



مصطفى : اشمعنى

مها باحراج : عادى انا ملقتكش قولى اشوفك فى

مصطفى ببرود : والله يا انسه مها معتقدش يهملك ان واحد غريب عنك راح فىن والا جه منين شاكرين  
افضالك سعادتك

مها : طيب اللى يريحك اسفه ع السؤال سلام

وبعد ما قفل

( مها ) احسن جتك القرف انا اللى غلطانه انى سألت اصلا بس ماشى مش هعبرك بعد كدا

وعند ياسر

ياسر بحزن : خلاص بقى ياابنى وجعت قلبى

مصطفى وبمسح دموعه : دى حتى محستش انى مروحتش البيت من امبارح

ياسر : معلىش ماانا قولتلك نفذ اللى اتفقنا عليه

مصطفى : مش هينفع معاها هى مش فارق معاها اصلا

وكمان لما بكلمها ببرود انا اللى بتعب مش هى

ياسر : طب بس كامل للاخر واهى هتبقى اخر محاوله

مصطفى : عارف انا فرحت اوى لما لقيتها بتتصل فكرتها حسنت انى مش موجود بس وجعتنى اوى لما

قالت مشيت امتى

هو انا للدرجه دى مش مهم عندها مش حاسه بوجودى ولا بغيابى

ياسر : يمكن عشان نامت يامصطفى متظلمهاش ولما صحيت اتصلت

مصطفى : هى اتصلت بس عشان تعمل الواجب مش اكر لو كان فى نيتها غير كدا كانت صممت

على سؤالها

ياسر : لا حول ولا قوه الا بالله خلاص روق بقى بدمتك احنا البنات تعمل فىنا كدا

مصطفى : انا عمرى ما كنت ضعيف

غير قدامها بس معرفش ليه كدا

ياسر : انه الحب يا صديقى

مصطفى : للاسف

ياسر : خلاص فكك قوم يلا نلبس وننزل الشركه ورانا شغل كتيبيبيير

مصطفى : روح انت انا مش قادر

ياسر : يا اخى قوم احنا هنضيع مستقبلنا كمان يلا يلا

مصطفى : حاضر امرى لله

-----

..... وفى بيت اهل مها

الام بصدمه : يعنى ايه

الاب بحزن : يعنى ايامى بقت قليله

الام : بعيد الشر عنك يا حبيبي

الاب بابتسامه : هو انا لسه حبيبيك حتى لما كبرنا

الام : وهتفضل طول عمرك حبيبي وجوزى واو بنتى الوحيدة انت بتقول ايه يا احمد

الاب : ماكانش نفسى اسبيكوا بس الحمد لله اهو القدر

الام : طب ما نروح لدكتور تانى

الاب : خلاص بقى يا ام مها سيبها لله محدش عالم ،قادر على كل شئ المهم دلوقتى انا كتبت الوصيه وظيفت كل حاجه



ميار : انا ياستى وبعد سنتين جواز اخيرا حامل الحمد لله

مها : بجد الف الف مليون مبروك يا ميرو عقبال ما يجى بالسلامه وتفرحى بيه

ميار : امين يارب وعقبالكوا انتوا كمان

مها : اه اه ان شاء الله

ميار : ايه عايزين تأجلوا ولا ايه

مها بلخبطه : لا سايبينها لربنا

ميار : خير يا حبيبتى ان شاء الله نفرح بيكوا

مها : ان شاء الله

---

وفى الشركه

مصطفى : هاتى ملف شركه .... وتعالى يا يسرا

يسرا : حاضر يافندم

وبعد دقائق دخلت يسرا المكتب

يسرا : اتفضل يافندم

مصطفى : شكرا

اطلبى واحد قهوه

يسرا : بس دا رابع فنجان قهوه كدا غلط

مصطفى وبصلها باستغراب

.. يسرا متصنعه الكسوف : اسفه يافندم اقصد

مصطفى وقاطعها : خلاص خلاص اعملى اللى قولتلك عليه

يسرا : اوك

مصطفى : استنى يا انسه يسرا

يسرا : نعم ؟

مصطفى : بصى يمكن انا ماليش حق فى اللى هقوله دا بس ياريت اللبس يتظبط عن كدا شويه

يسرا : يتظبط ازاي حضرتك ؟

مصطفى : يعنى بلاش جيبه قصيره وكدا زى ما انتى فاهمه الشغل مظاهر وانا مش عايز المظهر دا اللى يبقى ظاهر فى شركتى بره الشركه انتى ملك نفسك تمام ؟

يسرا : تمام بعد اذن حضرتك

وخرجت وقابلها ياسر وهو داخل  
وبعد ما دخل

ياسر : ايه ياعم مين دى وخارجة شايطه كدا ليه

مصطفى : دى السكرتيره عشان ارحمك ياسيدى زى ما قولت معرفش شايطه ليه بس انا قولتلها تظبط لبسها دا انا مش ناقص قرف

ياسر : هههههههه تمام كنت عايزنى فى ايه بقى

مصطفى : عايزين نجهز اجتماع عشان فى صفقه مهمه للشركه وهندخل مناقصه لازم كل حاجه تبقى مطبوطه لو الصفقه دى نفعت هترفعنا كتير

ياسر : ان شاء الله خلاص انا هبلغ الناس  
مصطفى : خليك انت اومال السكرتاريه بتعمل ايه انا بعرض الرأى عليك

ياسر : هههههه اه صحيح طب امتى ؟

مصطفى : ياريت النهارده عشان نكسب وقت

ياسر : وانت تعبان كدا





مها : ها ؟

سالى : ابعدى عن سكة محمد وخليكى فى بيت جوزك

مها باستغراب : عرفتى منين

سالى : مش بقولك بتعملى مصيبه  
ما هو ذا الحلم

مها : حاضر يا سالى

سالى : عشان خاطرى متغلطيش خليكى مها اللى احنا عارفينها متنزليش من نفسك عشان واحد  
ملوش لازمه

مها : يعنى اعيش مع واحد مش عيزاه

سالى : لا ياستى ماتعيشيش اطلقى زى ما اتفقتوا بس خليكى باحترامك وابعدى عن الوحش  
وخلص

مها بتنهيده : ربنا يسهل ياسالى

سالى : وعد يامها ؟

مها : ربنا يسهل بقولك ايه مصطفى جه هقفل عشان احط الغدا

سالى : ماشى هنتكلم تانى مش هتخلعى منى

وبعد ما قفلت

مها : حمد الله ع السلامه

مصطفى ببرود : الله يسلمك

مها : غير هدومك وهحضرك الغدا

مصطفى : لا انا اكلت بره هدخل انام

مها : اممم اوك اللى يريحك

مصطفى مردش وسابها ودخل اوضته

( مها ) اووووووووف بقى يارب عدى الشهرين دول بسرعه مش طايقه انا كدا

.....

الحلقه العاشره

فى التليفون

محمد : خلاص يا حبيبتى هستناكى

مها : محمد حد هييقى موجود ؟

محمد : يا حبيبتى والله لا محدش هنا اصلا كلهم مسافرين هستناكى بقى متضيعيش فرحتى

مها : لا طبعا مقدرش

محمد : ماشى هقفل انا دلوقتى

مها : ماشى سلام

-----

فى الشركه

مصطفى : فى لسه ورق هيتمضى يا يسرا ؟

يسرا : لا يافندم كدا خلاص

مصطفى : تمام انا همشى دلوقتى لو عايزه تمشى انتى كمان اتفضلى خدى يوم راحه كدا

يسرا : متشكره جدا يافندم

استاذ ياسر كان سأل عليك وقالى لما تخلص تروحله

مصطفى : اوك اتفضلى انتى دلوقتى

وراح مصطفى لمكتب ياسر

ياسر : ايه يا عم المشغول

مصطفى : اووف الشغل كان كتير اوى النهارده

ياسر : معلىش النجاح مش سهل برده  
بس شكلك تعبان اوى مالك يا صاحبي

مصطفى : مش عارف شكلى داخل ع دور برد مصدع خالص

ياسر : دور برد وبس

مصطفى : متضايق شويه يا ياسر

ياسر : طيب بقولك ايه ما تيجى نزل نتمشى شويه انا وانت وهانى اهو نغير الجو دا

مصطفى : ماشى بس فين

ياسر : فى كافيه ع النيل جديد بس حلو اوى

مصطفى : يوووه هو احنا مبقاش ورانا غير الكافيهات

ياسر : ههههههههه ما هى دى الاماكن بتاعت المتجوزين ياعم اومال اوديك ديسكو

مصطفى : ههههههههه بقى كدا ماشى

---

وفى بيت مها

وهى واقفه قدام المرايه

مها ( اووه كدا تمام بس ياترى هعجب محمد ولا لاء

مش ملاحظه ان اللى بتعمليه غلط

اوووف لا مش ملاحظه ومش عايزه اى كلام ولا تأنيب ضمير هما اللى عملوا كدا وهما اللى يشربوا  
مش انا

( يادوب اتصل بمحمد ا قوله انى جايه

---

وفى الكافيه

هانى : يا راجل يعنى انت متعرفش



-----  
مها : ايوه يا حبيبي انا جاهزه خلاص ونازله اهو

محمد : تمام وانا مستنتى

مها : حاضر

وقفلت الموبايل ولسه بتفتح الباب

مها : ايه دا انت جيت

مصطفى : شايفه ايه يعنى

مها : لا ابدأ حمد الله ع السلامه

مصطفى : لو خارجه اتفضلى شوفى هتروحي فين بس متتأخريش والسواق لسه تحت

مها بلخبطه : لا لا خلاص انا هنا اهو  
احضرك الاكل ؟

مصطفى : لا انا تعبان هنام

مها : سلامتک مالک

مصطفى : الله يسلمك مفيش تعبان وخلاص  
وسابها ودخل اوضته

مها ( اووووووف بقى مش هعرف انزل كدا  
( اما اتصل بمحمد اقوله

مها : ايوه يامحمد

محمد : ايه انتى فين

مها : معلش يا حبيبي مش هعرف اجى

محمد : ليه بقى

مها : اصل مصطفى جه ودخل نام

محمد بعصيه : طيب دخل نام ما تنزلى عادى ايه المشكله

مها : مش عارفه بيقول اخذ السواق معايا

محمد : اووووووووووو افغلى دلوقتى يا مها

وقفل فى وشها

يووووه هو انا ناقصه ( )  
طب هدخل اشوف مصطفى نام ولا لسه

---

وبعد شويه عند محمد

محمد : ايوه جاى ياللى ع الباب  
ميين ؟

محمود : مين ايه ياعم انا محمود

وفتحله الباب

محمد : اوووو يخربيتك وقعت قلبى

محمود : الامم بدل ما وقعت قلبك بيقى بتعمل مصيبه

محمد : ههههههههههههه ادخل ادخل

محمود : ايه ياعم

محمد وطلع الشيشه والبيره

محمود : ايه انت قلبتها قهوه

محمد : ههههههههههههه لا كنت بعمل مزاج بس

محمود : ايه مستنى مزه ولا ايه

محمد : اه كنت مستنى مها

! محمود بصدمه : مها

محمد : ايوه ومالك اتصدمت كدا

محمود : هى بتجيلك الشقه

محمد : لا دى اول مره ومعرفتش تيجى

محمود : اكيد موافقتش

محمد : لا ياعم وافقت وليست كمان

محمود : كمان طب ومجتش ليه

محمد : جوزها جه ومعرفتش تنزل

محمود : اممم مش قولتلك سييها ف حالها ياعم

محمد : يا صاحبي قولتلك دى لقطه

محمود : طب فهمنى ايه ف دماغك

محمد : اممم طيب مع انى مباحش اقول غير لما انفذ بس ماشى  
ياسيدى انا بقولك لقطه عشان متجوزه يعنى هعرف اخذ اللى انا عاوزه من غير وجع دماغ ممكن  
تعمله اى بنت فهمت

محمود : يخربيت شيطانك وانت هتعمل معاها كدا

محمد : ايون بالطبط كدا

محمود : وهى عارفه

محمد بنظرة شر : ههههههههههههه لا لسه هتعرف دى المفاجاه بقى

---

ودخلت مها الاوضه

( مها ) شكله نايم هخرج واهو كدا كدا كان عارف

وفجاه وهى خارجه سمعت صوت

مصطفى بصوت ضعيف : مها مها مها

مها اتخضت : ايوه يا مصطفى فى حاجه ؟

مصطفى مردش واستمر على حالته

مها : مصطفى ؟ انت سامعنى

وقربت منه

مها : مصطفى مالك فى ايه







! احمد : يانهار اسود كمان

محمود : اه والله انا عارف القذاره اللى بيعملها

احمد : طيب وبعدين

محمود : انا لازم اوصل لمها

احمد : ازاي وهتعمل مشاكل لنفسك

محمود : مش مهم ياابنى دى اعراض ناس والبت غلبانه فاكراه انه بيحبها

احمد : بصراحه يامحمود مستغرب انك بتعمل كدا

محمود : ليه عشان انا بتاع بنات يعنى ؟ انا ممكن احب كتير واكلم بنات اكثر بس مأذيش بنت ف سمعتها ابدأ مش للدرجه دى يعنى

احمد : خلاص بدام نيتك سليمه انا عندى فكره  
توصلنا ليها

..... محمود : ايه هى

.....

الحلقه الحاديه عشر

! صحى مصطفى تانى يوم بص حواليه بتعب شاف مها نايمه جنبه ولاول مره كان يشوفها كدا

وفضل باصص عليها

( مصطفى ) ياه يا مها لو تفضلى كدا كانت كل حاجه اتحلت

مها وفتحت عينها بالصدفه

وحطت ايديها على شعرها مها : ايه دا مصطفى انت صحيت

مصطفى بعد وشه للناحيه التانيه : اه انتى نايمه كدا ليه

مها : مفيش مش نايمه كنت قاعده جنبك بس

حمد الله على السلامه يا سيدى

مصطفى : هو فى ايه

مها : مفيش دا برد شديد وسخونيه بس طلعت عيني

وقامت تشيل الطبق اللى فيه الكمادات  
مصطفى : انتى عملتى كمادات كمان اسف تعبتك

مها : اولاً بصلى وانت بتكلمنى

مصطفى بصلها وشاور ع راسها

مها : ماانا عارفه انى سايبه شعرى  
ثانيا مفيش تعب ولا حاجه احنا اخوات

! مصطفى : اخوات

مها : انا فكرت نعمل اتفاق مع بعض ايه رأيك

مصطفى : اتفاق ايه ؟

مها بتنهيده : بص احنا ملناش نصيب فى بعض ليه نانرجعش اخوات تانى ونتعامل كويس زى زمان

مصطفى وسكت خالص من الصدمه

مها : انا مش هاخذ منك قرار دلوقتى رد عليا براحتك

مصطفى بهدوء : ان شاء الله

مها بضحك : استنى بقى اجيبك الحقنه اللى اخدتها لتكون مخدرات ولا حاجه انت مش صيدلى برده  
ولا ايه

مصطفى : هههههه ماشى  
وبعد شويه دخلت مها ومعها صينية اكل كبيره

مصطفى : هى دى الحقنه

مها : هههههه اه حقنه كبيره  
بص انا فاشله جدا فى شوربه الخضار بس انت وحظك بقى

مصطفى : لا لا مش بحبها

مها : مفيش حاجه اسمها مش بحبها دي مفيده جدا للبرد وكمان عشان الدوا شديد انا برده اللي هقولك ولا ايه يا دكتور

مصطفى : مها معلش اعفيني

مها بطفوليه : عشان خاطري يا مثطفي

مصطفى : ههههههه ضيعتى اسمي

مها : يلا بقى بلاش كلام كتير

ورن جرس الباب

مها : استنى هفتح واجي

وراحت مها تفتح الباب

مها : ماما

الام : معلش بقى جيت بدرى مقدرتش استحمل الصراحه

مها : هههههههه دا بيتك يا حبيبتي تعالى ادخلي

الام : اومال فين مصطفى

مها : فى الاوضه تعالى

مصطفى ماما جت

مصطفى وبيقوم

الام : خليك مستريح يابني انا جايه اطمن عليك

مصطفى : ربنا يخليكى لينا يا ماما

الام : الف سلامه ايه اللي حصل

مها : مفيش كان سخن امبارح زى ما قولتلك تقريبا برد شديد

الام : لا سلامتک يا حبيبى



محمود : ما قولتلك ياعم صعبان عليا احترامها

احمد بخبث : بس كدا ؟

محمود : قصدك ايه ؟

احمد : مش يمكن تبقى دى البت اللي قولتلى بتحبها ومستحيل تقولها

محمود بصدمه : لا لا

احمد : يبقى هي يا صاحبي

محمود بحزن : للاسف

احمد : معلىش يا صاحبي ربنا يعوضك

محمود : يارب

يلا بينا عشان نلحق الموضوع اكيد هتروح تانى النهارده

---

مها : ايوه

محمد : ايه انتى نستينى

مها : لا طبعا هو انا اقدر

محمد : اومال سايبانى من امبارح ليه

مها : مفيش مصطفى كان تعبنا وسخن وكنت جنبه

محمد : اها سلامته

مش هتيجى ؟

مها : مش هيافع النهارده هقوله ايه







السواق : وصلنا ياهانم تحبى ادخل جوا ؟

مها : لا لا نزلنى هنا

السواق : طيب اجى امتى ؟

مها : هتصل بيك لما اخلص

ميار : هانى هانى اصحى بقى

هانى بصوت ضعيف : ايه ياميار عايزه ايه

ميار : قوم وصلنى لمصطفى

هانى : يا شيخه حرام عليكى دا انا مش قادر اروح شغلى تقولى وصلنى لمصطفى

ميار : مالك ياخويا فى ايه

هانى : كح كح شكل اخوكى الظريف عدانى برد

ميار وخبطته بالمخده : حبيبي قوم بقى بطل تتبلى على اخويا

هانى : اه اه بتضربى طب والله منا سايبك

ميار : اجررى يامجددددددددددد

هانى : هجيبك

ميار : اه هانى متهزرش انا حامل

هانى : امممممممم عشان خاطر ابنى بس

ميار : قوم بقى ما انت بقيت كويس اهو

هانى وشدها : طب خليها ليكره

وبعدين خدى هنا تعالى اخوكى حبيبي مين انا بس اللى حبيبيك يا هانم



, و ف نفس الوقت

سلمى : مشغووول

سالى :اممم مش مطمئه

سلمى : ولا انا استنى هتصل تانى

احمد : ها ؟

محمود : مشغوول

احمد : اوف وبعدين

محمود : مش عارف الوقت بيخلص وزمانها رايحه

احمد : اتصل تانى يابنى

محمود : بتصل اهو

مشغول برده

////////////////////////////////////

سالى : بقولك ايه سيبك منها خلينا نقوم نشوف ام المحاضره عشان متأخرش على جوزى

سلمى : اوك يلا

////////////////////////////////////

احمد : هات ام الموبايل دا يانحس لما اتصل انا

محمود : خد ياخويا

احمد : اهو اهو جرس

-----

وعند مها

مها ( اوووف دا رقم غريب

اكيد محمد بيظمن  
مش هرد بقى انا خلاص قربت اوصل اه

الحلقه الثانيه عشر

وخطبت مها على الباب

وسمعت صوت من بره  
ميين ؟

مها : انا يامحمد افتح

وفجأه

.  
. .  
. .  
. .  
. .

فتحلها الباب طفل صغير  
مها باستغراب : انت مين يا حبيبي  
الطفل : انتى اللى مين  
يا ماما يا ماما

وجت الام : مين حضرتك

مها : انا اسفه شكلى غلظت فى الباب

الام : انتى عايزه مين هنا

مها : بيت الاستاذ محمد السيد

الام : اه يا حبيبتى دا البلوك اللى جنبنا ع طول الدور الثانى

مها : شكرا

ورن الموبایل تانى

مها ( یووووه یادی الیوم اللى مقفول من كل ناحیه ) : ایوه یا ماما

الامر : معلش یا مها تعالی دلوقتی اصل بابا تعبان وانا لازم امشى

مها ( اووووووووووووووووووف ) : حاضر جابه اهو هکلم السواق

---

وفى الجامعه

محمود : انا هتشل یا اما مشغول یا مبتردش ایه النحس دا

احمد : یا خوفی تكون راحت

محمود : اوووف لازم نتصرف بقى

---

وعند مها

مصطفى : معلش یامها اکید ملحقتیش تحضرى ، ماما اللى صممت انك تیجى

مها : لا عادى ولا یهمك مفیث مشكله

هى مقاتلش بابا ماله ؟

مصطفى : لا

انا عایز اروح اطمین علیه والله

مها : لما تخف ان شاء الله

طیب انا هقوم انام مش عایز حاجه ؟

مصطفى : هو انتى متضايقه من حاجه ؟

مها : لا ليه ؟

مصطفى : ابدأ حسيت كدا بس

( مها وسرحت ) يارببي هو بيعرف منين انى مضايقه انا عمر ما حد حس بيا كدا

مصطفى : مها مها

مها : ها ابوه يا مصطفى

مصطفى : شكلك تعبانه ريحي انتى

مها بابتسامه : اوك ساعه ساعتين وهصحى ان شاء الله

وبعد ما مشيت

رن موبايل مها

مها ( اوووف دا محمد اكيد هيخرب بيتى ) : الو

محمد بزعيق : انتى كل دا ف الطريق

مها : وطفى صوتك بس واهدى

محمد بضيق : هديت انتى فين حضرتك

مها : اصل حصل

وحكتله على اللى حصل

محمد : مش انا واصفلك العنوان 50 مره وبعدين مادام روحتى مش فى حمار تقويله

مها : انا لسه واصله دلوقتى ملحقتش اصلا يامحمد

محمد : بقولك ايه اقللى دلوقتى احسن سلام

وبعد ما قفلوا

( محمد ) اووف انا مش عارف ايه الحظ دا كل ما اجيبها يحصل حاجه زهقت

..... ومسك موبايله واتصل برقم

محمد : الو





مصطفى بخضه : مها مها اصحى فى ايه

مها : بسم الله الرحمن الرحيم

مصطفى : ايه مالك

مها : مش عارفه كابوس

مصطفى : انا سمعت صوتك من الاوضه الثانيه خير اشربى ميه

مها : هى الساعه كام

مصطفى : الساعه كام ايه احنا بقينا الصبح

مها باستغراب : ايه دا بجد انا نمت كل دا

مصطفى : هههههه اه قولتى ساعتين ومشوفتكيش بعدها

مها : والدوا اخدته

مصطفى : كل حاجه تمام وكلمت بابا ولقيته بقى احسن

مها : الحمد لله طب هقوم احضر الفطار بقى

مصطفى : استنى انا عايزك ف موضوع

مها بقلق : خير

مصطفى : خير قومى بس فوقى واغسلى وشك وبتكلم ، انا ف البلكونه

مها : لا بلاش البلكونه عشان متتعيش

مصطفى بابتسامه : خايفه عليا ؟

مها باحراج : اكيد يعنى

مصطفى : ماشى مستنيكى

وبعد شويه











الحلقه الثالثه عشر

وفى البيت

مصطفى : حمد الله ع السلامه

مها : الله يسلمك

مصطفى : ها ايه الاخبار ؟

مها : تمام انا عزمته بكره ان شاء الله وشوف انت بقى هتعمل ايه

مصطفى : خلاص ماشى ربنا يسهل الامور

مها : يارب

هتتغدى ؟

مصطفى : لا بصراحه الجو حر ومليش نفس دلوقتي

مها : طيب وانا هستناك

انا هدخل انا ساعتين وصحيني متسبنيش اطول ماشى ؟

مصطفى : ماشى بس انتى كويسه ؟

مها : اه متقلفش مرهقه شويه بس

ودخلت مها اوضتها رمت نفسها ع السرير وسرحت فى اللى حصل

فلاش باك

مها : ها احنا ف مكان هادى اهو اتفضل

محمود : بصى الاول اوعدينى الكلام ميطلعش لحد وانك متزعليش منى

مها : اوك مش من طبعى انى يحكى لحد اصلا بس اوعدك

خير يامحمود قلقتنى

محمود : بصى من الاخر انا عارف انك على علاقه بمحمد لحد دلوقتى

مها واتصدمت : نعم

محمود : مها متخافيش سرڪ هيفضل معايا انا جاى اقولك على حاجه

محمد مش بيحبك يا مها وبيلعب بيكى وعملك مصيده عشان خاطرى ابعدى عنه

مها بزعيق : انت بتقول ايه

محمود : صدقيني اقسملك بالله انا اعرف اكثر منك ودى نصيحه ليكى انتى زى اختى ومحبش يتعمل فيكى اللى محمد ناوى يعمله

! مها : انت ازاي تقول على صاحبك كدا انت صاحب انت

محمود : صاحبي ولد مش هيچراله حاجه بس انتى بنت ومنتجوزه وليكى سمعتك وهيحصلك كتير ..... ابعدى عنه يا مها

..... مها بزعيق : ملكش دعوه بيا واقسم بالله لو الكلام دا

محمود : من قبل ما تقسمى سرڪ لو عايز اطلعه بره كنت طلعتته ومن غير ما اقولك

محمد لو كان بيحبك زى ما انتى واهمه نفسك ع الاقل مكنش يجى يحكىلى انك هتروحيه الشقه ويا عالم بيقول لمين تانى

انا هاسيبك تفكرى براحتك ونصيحه ابعدى عنه وانا ولا كانى سمعت ولا عرفت حاجه متقلقيش ولو حبيتى تتأكدى من كلامى بكذا طريقه انا موجود ..... سلام

ونزلت دموع من عينيها  
وافتكرت الكابوس اللى قامت مفزوعه منه لما شافت محمد بيأذيها ويخنقها

! مها) يعنى كدا حلمى كان صح  
الانسان الوحيد اللى حبيته فى حياتى يطلع كدا  
محمود فعلا عنده حق بيقى بيحبنى ازاي ويعمل كدا  
بس انا عايزه اتأكد عشان ما ابقاش ظلمته لآخر لحظه  
انا هتصل بمحمود اشوفه هيخلينى اتأكد ازاي  
انا فاكره انى اخدت رقمه من محمد زمان عشان اطمئن عليه



اكيد ممسحتوش يارب الاقيه  
( اه اهو الحمد لله )

مها : الو

محمود : ايوه مين ؟

مها : ازيك يا محمود انا مها

!محمود بصدمه : مها؟

..... مها : معلش اتصلت

محمود : لا يابنتى انتى بتقولى ايه براحتك فى اي وقت  
خير

مها : الاول انا بتأسف ع الطريقه اللى كلمتك بيها

محمود : ولا يهملك احنا اخوات

مها : انا عايزه اتأكد زى ماقولتلى

محمود : بصى انا جت فى دماغى فكره واحده

مها : ايه هى

محمود : بصى ياستى

-----  
وعند مصطفى

مصطفى : يا ميار والله انا تمام يابنتى وباخد الدوا وكل حاجه ليه مش مصدقه

ميار : انا مش بتكلم ع الدوا والتعب بس يا مصطفى انت فيك حاجه  
قولى بس انت كويس مع مها

مصطفى بكذب : تمام يا بنتى فى ايه بس

ميار : يووووه مش بحبك وانت بتلف وتدور  
انا هاجيلك بكرة فاضى

مصطفى : اولاً تيچى ف اى وقت دا بيت اخوكى  
ثانياً بقى انتى حامل ومفيش حاجه اسمها اجى  
اتهدى لحد ما الامور تثبت واخرجى زى ما انتى عايزه

ميار : هههههه بعد الكلام الحلو دا تقولى اتهدى

مصطفى : ايون انا هتصل بجوزك اخليه يحبسك  
وان شاء الله لما اخف شوويه هجيلك انا ومها

ميار : امممم ماشى غلبتنى بس مش هسكت

مصطفى : هههههههه ماشى يارعايه اقفلى بقى عشان عايز اكلم صاحبه

ميار : ماشى ماشى هقفل اهو

-----  
وفى بيت تانى خالص

سلمى : يا بابا عشان خاطرى صاحبتى هترعل

الاب : يعنى ترضى صاحبتك ومترضيش ابوكى

سلمى : لا والله مش قصدى بس دى لسه عروسه وعازمانى شكلها هييقى وحش

الاب : يووووه انتى زنانه يابت والله

سلمى : والنبي والنبي والنبي

الاب : قولنا مليون مره منقولش والنبي اسمها بالله عليك

سلمى : حاضر بالله عليك وافق بقى

الاب : طيب شوفى امك





وشویه ودخل مصطفى  
مصطفى : احم احم دستور ياللى هنا

مها : تعالى يا سى سيد مفيش حريم كاشف راسه

سلمى : هههههههه

مصطفى : هههههههه السلام عليكم ازيك يا سلمى

سلمى : الحمد لله ازيك انت

مصطفى : الحمد لله احسن  
منوره والله

سلمى : تسلم دا نورك

مصطفى : اول مره حد من اصحاب مها يعبرنا واضح ان صحابك مش بيجوكى يا مها

مها : شوفتى ياختى اهو فهمها كدا

سلمى : ههههههههههه لا ازاي بنحبها طبعا بس الكليه بقى وكدا انت عارف

مصطفى : يلا ربنا يعينكوا

قوليلى بقى تشرى ايه

سلمى : لا ولا حاجه متتعيش نفسك

مصطفى : لا والله ابد انا اللى هعملك بايدى كمان

مها : ياعم ياعم شوفتى الرضا

مصطفى : ها بقى ؟

سلمى : بتعرف تعمل ايه طيب

مصطفى : احسن كابتشينو فيكى يا مصر











سلمى : هو احنا هناكل معاهم ؟

مها : اه

سلمى : بتهرجى صح

مها : لا بجد

سلمى : ايه دا لاء طبعا مينفعش

مها : متخافيش دا محترم جدا والله

سلمى : ياستى محترم على دماغى بس مينفعش برده

مها بصوت طفولى : ساعدى اختك بدل ما احط الاكل مرتين

سلمى : يوووه يا مها ومقولتيش ليه قبل ما اجى

مها : مكنتش اعرف مصطفى اللى عزمه

سلمى : اوووف

مها : خلاص بقى  
يلا هروح احط الاكل

سلمى : ماشى استنى اساعدك

.....  
وفى بيت ابو مها

الام : سلامتک يا حاج الف سلامه

الاب بصوت تعبان : انا حاسس انى باخلص

الام : متقولش كدا بعيد الشر عنك

الاب : انا عايز اشوف مها





## الحلقه الرابعه عشر

فى بيت مها

لبست مها عبايه سودا وكانت لاول مره فى حياتها تلبس عبايات  
! يمكن عشان حسنت انها ممكن تحميها من محمد

مها : مصطفى انا همشى مش عايز حاجه

مصطفى باعجاب : ما شاء الله عليكى ايه القمر دا  
لا ياستى ادخلى غيرى العبايات طلعت حلوه اوى عليكى

مها بابتسامه : اعتبر دى معاكسه

مصطفى : معاكسه بس ؟

مها بكسوف : هههههه مصطفى بطل بقى انا هنزل عشان متأخرش

مصطفى بغمزه : ماشى يا قمر هسبقك انا ع بابا بقى

مها : تمام يلا سلام عليكم

وفى الطريق رن موبايل مها

مها : الو

محمود : ايوه يا مها كل دا انتى فىين

مها : معلىش الطريق كان واقف انا ع اول الشارع اهو انت فىين

محمود : تحت البيت تعالى

وبعد شويه

محمود : ازيك يا مها





مها : ايوه يا بابا انا جنبك اهو  
متتكلمش بس

الاب : لازم اتكلم  
عايزك لوحدنا

مها ولفت وشها لمصطفى ومامتها : بعد اذنكوا

الام : تعالى يامصطفى

مها : خلاص يابابا محدش هنا

الاب : مها متزعليش منى يا بنتى انا مكنتش عايز اغصبك ع حاجه

مها : خلاص يابابا كل شئ مكتوب حصل خير المهم دلوقتى تقوم بالسلامه

الاب : مصطفى بيحبك خلى بالك منه وهو كمان هيخلى باله منك

مها ومسكت ايده : انت اللى هتخلى بالك منى

الاب بصوت ضعيف جدا : كدا انا عملت اللى عليا وارتاحت

مها وبتحاول تضحكه : ايه ياعم هو انت فاكر انك هترتاح منى لا انا ع قلبك حتى لو اتجوزت

واستنت يرد

مها بخوف : بابا ايه انت نمت  
حاولت مها تكذب عينيها واحساسها  
ندهت لمصطفى

مها : بابا نام وهو بيتكلم مصطفى صحيه

دخل مصطفى وحاول ينادى عليه او يفوقه  
! بس لا حياه لمن تنادى

نزلت دموع من عينه  
قفل عينه وقال انا لله وانا اليه راجعون

مها بصرخه : متقولش كدا بابا نايم صدقنى



بسرعه زى المجنونه تهز فيه

مها : اصحى اصحى انت وعدتني هتفضل معايا اصحى يابابا بلاش الحركات دى بقى

مصطفى وشدها : بس يا مها حرام عليكى كدا

سمعوا صوت خبطه ع الارض

! مها : ماما

-----  
فى التليفون

هانى بزعيق : ياسر فوق بقولك حما مصطفى توفى لازم نبقى معاه دلوقتي

ياسر بخضه : حاضر حاضر اسبقنى وانا هاجى ع هناك مسافه السكه

ميار وسمعت المكالمه

! ميار بصدمه : عمو احمد مات

هانى : البقاء لله انا هروح لمصطفى

ميار : استنى انا جايه معاك

هانى : خليكى يا ماما عشان الحمل

ميار بدموع : عمو احمد كان زى بابا لازم اكون موجوده مع مها

هانى بحزن : لا حول ولا قوه الا بالله البسى بسرعه يلا

-----  
اتجمع الاهل والاصحاب ف البيت مستنين الغسل ونزلوا المسجد  
يصلوا عليه

! كان الوقت بالنسيه لمها بسرعه جدا زى الحلم مكنتش قادره تتأكد دا حقيقه ولا كابوس  
وفجأه حد اخدها فى حضنه وسلم عليها من ضمن ناس كتير اوى عملوا نفس الموقف بس المره دى  
قدرت تحدد هى مين  
الكلمه اللى اصبحت اساس اليوم دا

! البقاء لله يا مها بس المره دى بصوت مختلف

.  
. .  
. .  
. .

! مها : عمتو

العمه : ايوه يا حبيبتى تعالى ف حضن عمك

مها بدموع : انتى عرفتى ازاي

العمه : معقول دى حاجه تستخبي يا بنتى البقاء لله ربنا يصبرنا

سمعوا الله اكبر وكان اذن للبدء فى صلاه الجنازه

بعد الدفن بدأ الوقت يرجع للبطء تانى الساعات ميتخلصش والناس ميتسكتش  
وكالعاده اذا كنت انت مؤمن وهتتحتسب اللى مات امانه وردت لربها كلام اللى حواليك هيخليك تعيط  
! واحتمال تصوت وتخرج عن المألوف

فى وسط كل الهيصه دى فى عيون مها اللى مش شايفه بيها غير سواد وكلام واحد نفس الرتم  
كانت عيونها بتدور ع حد واحد بس محتجاه  
مستغربه الاحساس بس هى فعلا محتجاه الحد دا

مها : سلمى مشوفتيش مصطفى  
سلمى وشاورت على البلكونه : لسه شيفاه ف البلكونه

سابتها مها ومكنتش عارفه هى بتمشى ولا بتجرى  
راحت ع البلكونه

مها بدموع : م مصطفى

لف مصطفى وبصلها  
مستنتش مها الاجابه ورمت نفسها فى حضنه

! ايوه فى حضنه

مصطفى مكنش مصدق وضمها اكثر عشان يتأكد انها فعلا مها

مها : متسبينيش

مصطفى : متخافيش يا حبيبتى انا جنبك مقدرش اسبيك  
! اهدى بس عشان خاطرى وانا معاكى اهو

اخيرا عدى وقت العزا ومفضلش من الناس غير القربين

! الام مها وعمتها هانى ياسر ميار سلمى سالى و مصطفى

مصطفى : يلا انت يا هانى خد مراتك وروحوا كفايه كدا عليها انهارده

ميار : لا انا هبات هنا مع مها

مصطفى : ميار اسمعى الكلام روحى ومفيش مناقشه انتى ليكى عذرك

بصت سلمى لسالى اللى نفس ظروف مها : وانتى كمان يا سالى يلا يا حبيبتى واطمنى انا هقعده  
معاها

..سالى : بس

قاطعها مصطفى : لو سمحتوا ياجماعه بلاش تعب اكثر من كدا كتر خيركوا عملتوا اللى عليكوا وزياده  
وتعالوا بكره براحتكوا انتوا ليكوا اهل وبيوت برده

سالى : خير ان شاء الله تكون اخر الاحزان

هانى : يلا يا ميار عشان نسيبهم يرتاحوا

سلمى : طيب انا كمان بعد اذنكوا

مها بصوت ضعيف : استنى يا سلمى متروحيش لوحدك دلوقتى مصطفى هيوصلك

ياسر وقاطعها : لا خلى مصطفى معاكوا هوصلها انا

سلمى باحراج : لا بلاش تعب البيت مش بيعده

مصطفى : اسمعى الكلام وخذ مدام سالى معاك كمان معلش يا ياسر

ياسر : اه طبعا

واضطرت سلمى وسالى يوافقوا وروحوا مع ياسر

وهانى اخد ميار وروحوا

ومفضلش غير مصطفى وعمه مها

مصطفى : يلا يا جماعه عشان تاكلوا

الام : لا انا مليش نفس انا هدخل اريح جسمى

العمه : وانا كمان

مصطفى : مينفعش يا ماما لازم تاكلوا

الام بدموع : معلش يابنى متضطتتش عليا

العمه : خلاص يابنى سبها ع راحتها خليك انت مع مراتك تصبحوا ع خير يلا بينا يا منى

رنت كلمه مراتك فى ودن مصطفى وبص لمها اللى حالها يصعب ع اى حد تخيل احساس حبيبها لما  
يشوفها كدا !

قرب منها مسك ايدها بصتله

مها بصوت ضعيف : بابا مات

مصطفى واخدها فى حضنه : الله يرحمه اراح واستراح  
يعنى كان عاجبك يفضل تعبان ومتعذب ؟

مها : لا بس صعبه اوى

مصطفى : كلنا هنموت يا حبيبتى دا كاس وداير علينا كلنا

مها بدموع : عارفه بس مش متخيله انى مش هشوفه تانى

مصطفى : مين قالك انك مش هتشفويه هيچيلك تانى فى احلامك  
ادعيه يبقى من اهل الجنه عشان تشوفيه تانى

مها : يارب

مصطفى : ايوه كدا امسكى نفسك حتى عشان ماما يا حبيبتى مينفعش كلنا نبقى منهارين قدامها  
كدا

مها باستسلام : حاضر

مصطفى وباسها ع جينها : شطوره حبيتي يلا بقى عشان نام

مها : لا مش عايزه

مصطفى : مفيش لاء اتفقنا نسمع الكلام  
لازم نرتاح يا حبيبي عشان نقدر نقاوم

مها : مش جايلي نوم سبنى ع راحتى معلش

مصطفى شالها : مفيش حاجه اسمها مش جايلي انا هجيبه من شعره النوم دا

حطها على السرير ونيمها اخدها فى حضنه

مها : شوفت مش عارفه انام

مصطفى : مش بقولك هجيبه من شعره

مها بضيق : سبنى بقى عشان خاطرى هتجيبلى نوم ازاي

مصطفى بصوت طفولى : هحكيلك حدوته

مها : مصطفى هو دا وقته هزار

مصطفى : مش بهزر هو دا اللى هيجيب النوم  
يلا كان يا ماكان

مها : مصطفى بس بقى

مصطفى : هوووووش  
كان يا مكان يا سادة يا كرام

مها سكتت فعلا وبدأت تسمع الحدوته  
! مش مهم هى قد ايه مستغربه من استسلامها لمصطفى وانه ازاي قادر يآثر عليه بالشكل دا

قررت فعلا تسمع الكلام وتنام وتعيش بصيص الابتسامه اللى جاتلها من بعيد فى عز حزنها

.....

بسم الله الرحمن الرحيم

فى عز حزنك وضعفك واصعب اوقات ليك بتلاقى موقف صغير بيعرفك حاجات كثير من اللى حواليك  
بيبقى زى شمعته ف وسط ضلمه بس مش كل الناس بتشوفها  
! فيه اللى بيركز فى الضلمه اوى وفيه اللى بيحاول يدور على نور ولو ملقوهوش بيخلقه

.....

الحلقة الخامسة عشر

....

تانى يوم

صحيت مها لقت نفسها فى حضن مصطفى ابتسمت  
بصت عليه وكانت لاول مره تقرب منه وتركز فى ملامحه بالشكل دا

بشرته البيضا شعره البنى دقنه الخفيفه الغمزات اللى ظاهره حتى من غير ما يضحك

! غمضت عينيها وافتكرت اللى حصل وازاى ربنا انقدها من اللى وقعت نفسها فيه

رغم الانقاذ جه بموت والدها بس الحمد لله الذى لا يحمد على مكروه سواه

نزلت دمعه من عيونها لما حسنت قد ايه كانت غلطانه لما وقعت فى طريق نصيبتها

! ازاي حباها عماها ومقدرتش تميز ان محمد كداب وحقير للدرجه دى

! ازاي تظلم انسان زى مصطفى

حاجات كثير اوى معرفتهاش غير امبارح مش بس حزنها ع موت والدها لا كمان حزنها على نفسها

يارب سامحنى واغفرلى

! قامت مها اتوضت وصلت وقررت ترجع تانى لربنا

سجدت مها ولاول مره تحس بطعم السجود بجد اول مره تحس انها بالقرب دا من ربنا وعرفت يعنى  
ايه الراحة النفسيه بعد دعوات كثير بطعم الوجع والندم

الراحه اللى بجد بتتحقق بحاجتين

اولها الوضوء واخرها دمعه صادقه بتزف دعوته منك للسماء

بعد ما خلصت صلاه لقت مصطفى قدمها  
نزل على الارض عشان يبقى فى مستواها

مصطفى بحزن : مها انتى لسه بتعيطى ؟

مها بابتسامه : متقلقش يا مصطفى

مصطفى : انا بزعل اوى لما بشوف دموعك دى ادعيله احسن يا مها

مها : بدعى وانت كمان ادعى معايا

مصطفى بحزن : انا كنت فاكر انى قدرت اخفف عنك امبارح بس واضح انى هفضل على طول مليش  
لازمه

ربنا يصبرك ويصبرنا انا هروح اشوف ماما

مها ومسكت ايده : استنى يا مصطفى ليه بتقول كدا ربنا اللى عالم انت خفت عنى قد ايه

مصطفى بفرحه : بجد يا مها ؟

مها : بجد

مصطفى : انا عارف انى بالنسبه ليكى مش اكر من اخ بس انا مستعد اقف جنبك حتى كأخ

مها اکتفت بالسكوت

مصطفى : يلا اختمى الصلاه وانا هقوم اشوف ماما

وبعد ما مشى

سرحت مها ف كلامه اتكررت كتير كلمه مش اكر من اخ

مها ( فعلا يا مصطفى انا مش حاسه بيبك بس من انهارده هحترم وجودك حتى لو بالنسبه ليا مش  
( اكر من اخ )

-----  
وفى كافيه

! احمد بصدمه : يخربيتك انت اتجننت تروح معاها

محمود : ايوه يا سيدى هو دا اللى حصل

احمد : وبعدين

محمود : مفيش يابنى مسافه ما طلعت مسافه ما نزلت ملحقتش اصلا جالها تليفون وهى على السلم

ان باباها تعبان وكانت لازم تروح  
ووصلتها لحد البيت وبعد كدا عرفت انه توفى  
لاننى فضلت مستتنى تحت

احمد : لا حول ولا قوه الا بالله

محمود : انا زعلت والله

احمد : بس تعرف رب ضاره نافعه

محمود : ازاي ؟

احمد : يعنى لو كانت طلعت محدش عالم كان ايه حصلها  
جت من عند ربنا

محمود : بس تفتكر هى كدا لسه مش مقتنعه ؟

احمد : معتقدش انا لو مكانها وحصل معايا كدا اكيد هفكر بعقل ومفيش حاجه بتحصل فى حياتنا الا  
وليها معنى  
والمعنى الوحيد من اللى حصل ان ربنا مكنش راضى ليها الاذى

محمود : ياريت تفهم كدا

احمد : والحمد لله انك منفذتش الفكره المجنونه دى محدش عارف محمد كان هيعمل فيك ايه

محمود : انا مش بخاف من محمد

احمد : وانا مقولتس تخاف بس ع الاقل تتقى شره يا سيدى  
انا من رأى تبعد عنه يا محمود ورتاح من الطريق دا  
كفايه لحد كدا انت عملت اللى عليك وزياده

محمود : دا اللى ناوى عليه ان شاء الله



---

تانى يوم

كانت مها وامها قاعدين فى الصاله مع الستات

دخلت عليهم واحده

! وكانت لابسه ميني جيب سودا وعليها جاكيت اسود وسايه شعرها

! وسألت مدام مها فين لو سمحتوا

مها : ايوه انا مين حضرتك

يسرا : انا يسرا سكرتيره دكتور مصطفى البقاء لله

مها : البقاء والدوام لله اتفضلى

يسرا : شكرا انا جايه اعزى حضرتك ودكتور مصطفى هو موجود ؟

مها : اه ثوانى هناديه

مصطفى : اهلا يا يسرا

يسرا بابتسامه زياده شويه : اهلا يا دكتور  
البقاء لله

مصطفى : شكرا اتفضلى

يسرا : لا معلش انا همشى عشان متأخرش بس

مصطفى : اوك اتفضلى

يسرا ومدت ايدها عشان تسلم : مع السلامه

مصطفى ( يادى الاحراج مبحيش اسلم ع بنات ) : مع السلامه

!وقفت مها تتفرج على الموقف من بعيد وحست احساس لاول مره تحسه في حياتها





سالى : انتى هبله يا بت هو احنا بينا كدا ؟

مها بابتسامه : لاء

سلمى : خلاص بيقى اخرسى

وجت قريبتها ماسكه موبايل مها

مها موبايلك بيرن بقاله كتير

مها : شكرا يا سميره

اول ما بصت فى شاشه الموبايل اتخضت ووشها قلب الوان

سلمى : ايه يا بت مين بيتصل

مها بتردد : دا محمد

سالى : اووووووف تانى يا مها

مها : والله مش عايزاه يتصل اصلا حصل حاجات كتير انتوا متعرفوهاش

سلمى : خير ؟

مها وبصت حوالها : مش وقته بقى

سالى : طيب هاتى الموب كدا عندى فكره

مها : هتعملى ايه ؟

سالى : هحطه فى بلاك ليست وميعرفش يتصل تانى لحد ما تغيرى رقمك دا

مها : اوك خدى اهو

وفى الطرف التانى

محمد بضيق : كدا يا مها مش معبرانى ومبتديش ماشى  
! حسابك معايا بعدين

لما بيبقى فى حاله وفاه  
بيبقى اهل الميت فى حاله من التناقض لا هما قادرين يستوعبوا الناس اللى حواليمهم وكلامهم ولا  
هما قادرين يقعدوا من غيرهم ويسيبوا نفسهم للوحده والحزن

وفى اخر اليوم الثالث للجزا

مها بتعب : ااه دماغى مصدعه هموت

عمتها : الف بعيد الشر عنك يا حبيبتى اجبلك دوا

مها باستغراب : لا يا عمتمو شكرا انا هدخل انام

الام : كللى الاول يا بنتى مصطفى بيجب العشا اهو

مها : معلش يا ماما تصبحوا على خير

دخلت مها اوضتها وحاولت تنام بس مقدرتش من الصداع

بعد شويه

مصطفى : ايه مها فين ؟

الام : دخلت تنام بتقول مصدعه  
ادخل شوفها يابنى

مصطفى : حاضر

دخل مصطفى الاوضه لقى مها نايمه

مصطفى : مها نمتى ولا لسه

مها وقعدت : لا لسه

مصطفى : ايه مالك بس ؟

مها : صداءع هيموتنى

مصطفى : بعيد الشر طب قومی کلی وهو هیروح

مها : لا مش قادره بجد

قرب منها مصطفى وقعد جنبها

مصطفى : قولیلی بجد مالك

مها : زهقت من كتر الناس والكلام الكثير

مصطفى بابتسامه : الناس كتير عشان انتوا الحمد لله محبوبين وعایزین یفضلوا جنبکوا فى ظرف زى  
دا

مها : منا عارفه بس تعبت

مصطفى : اممم هو دا بس اللی تعبک ؟

مها بتردد : اه

مصطفى : بتفکری فى ايه لدرجه الصداع

مها : مش فى حاجه

مصطفى : طب بصی فى عینی کدا

اهو شوفتی بتفکری ف حاجه

مها : مش عارفه یا مصطفى مستغربه

مصطفى مسك ايديها : من ايه احکیلی

مها : من تصرفات عمته

مصطفى : ازای یعنی مش فاهم

مها بتنهيده : هحكيلك

بص ياسيدى عمته وبابا كان بينهم مشاكل كتير اوى من زمان وكانت مقاطعه بابا وحاول يكلمها كتير  
بس مفيش فايده



الام : يعنى لازم مصطفى اللى يجيبك

مها بابتسامه : عادى يا ماما

الام : ربنا يهدى سرکوا يا بنتى

مصطفى : يا رب

وبعد فتره من السکوت

العمه : كنت عايزه اتکلم معاکوا فى حاجه

مها بصتلها باستغراب : خير يا عمته اتفضلى

العمه : هو انتوا مش هتفتحو الوصيه ولا ايه ؟

.....

الحلقه السادسه عشر

مها بعصبيه : انا مش قولتلك مش مطمئه لها يا مصطفى

مصطفى : هوووش وطى صوتك بس

مها : مش هو طى عشان تبقى تصدقنى بس

مصطفى : طيب ممكن تهدى

مها بضيق : اهدى ازاي وانا باغلى يا مصطفى شايف الحقاره يالهوى

مصطفى : استعيذى بالله من الشيطان بس بس كلامك كله غلط  
بلاش يالهوى دى حرام

مها : استغفر الله العظيم



مصطفى مسك ايدها بحنيه : اهدى بس كدا نتفاهم واللى انت عايزاه هيمشى

مها : حاضر

مصطفى : انتى متضايقه ليه دلوقتى

مها : انا كنت مفكره انها هترجع صلة الرحم وخصوصا انها عارفه اننا ملناش حد بعد بابا الاقيها بتطلب نفتح الوصيه كل همها الورث

مصطفى : طيب بالراحه كدا مش هو دا حقها ؟ وكدا كدا هتورث ؟

مها : انا مقولتتش حاجه حقها اللي ربنا قاله بس مش بالطلب يا مصطفى طب مش تسيينا ناخذ نفسنا

مصطفى : انا معاكى انها غلطت ف الحته دى بس برده ميصحش نقول عليها كدا مهما كان دى ست كبيره  
خلينا احنا الاحسن

مها بتنهيده : حاضر يا مصطفى

مصطفى بحنان : روقى كدا بقى انتى بقيتى عصبيه خالص

مها بابتسامه : حاضر انا كويسه اهو

مصطفى : بكره ان شاء الله نروح للمحامى نشوف الوصيه دى عشان نخلص من الموضوع دا ونرتاح

مها : بس انا عندي محاضرات مهمه بكره

مصطفى : نروح بعد ما تيجى مفيش مشكله

مها : طيب انت مش هتروح الشغل اتأخرت اوى عليه

مصطفى : اه ان شاء الله هروح بكره

.....

تانى يوم ف الجامعه

سلمى : ايه يا حبيبي اللي نزلك مش قولتلك هجيلك المحاضرات





سالى : وعامله ايه مع مصطفى  
لسه فى حوار الاخوات دا ؟

مها : اه

سلمى : انتى بت بارده والله ما تلاقى ضفره دلوقتى

مها بسرحان : فعلا

سالى : الله بقى ومالك بتقوليه كدا

مها : ها كدا ازاي يعنى

سالى : لا ولا حاجه مش هنروح المحاضره بقى

سلمى : اه يلا بينا

---

فى الشركه

اول ما دخل مصطفى

يسرا بابتسامه واسعه : حمد الله على السلامه يا فندم

مصطفى : الله يسلمك  
دكتور ياسرهننا ؟

يسرا : اه

مصطفى : أوك

يسرا : دكتور مصطفى

مصطفى : نعم ؟

يسرا بكسوف مصطنع : هو حضرتك عامل ايه

مصطفى باستغراب : عامل ايه ازاي يعنى ؟

يسرا بسرعه : اقصدي يعنى حضرتك والمدام حالة الوفاه وكدا

مصطفى ببرود : الحمد لله

ودخل مكتبه

يسرا ( اووووووووووووووف يعنى اعملك ايه دا انت بارد ماشوفتش زيك  
..... بس على مين نشوفلك طريقه ثانيه

////////////////////////////////////

بعد المحاضره

مها : استنوني هنا

سلمى : رايحه فين ؟

مها : استنوا بس

ومشيت قدام شوويه

مها : محمود محمود

محمود : ازيك يا مها

مها : الحمد لله

محمود : البقاء لله

مها : البقاء والدوام لله

محمود : نزلتي بدرى يعنى

مها : اه القعده في البيت بتفكرني بكل حاجه

محمود : ربنا يصبركوا

مها : كنت عايزه اشكرك على اللي عملته معايا صدقنى هيفضل جميل فوق راسى

محمود : يا خبر ازاي تقولى كدا انتى اختى والله

مها : ربنا يخليك يا محمود

محمود : طيب انتى مش عايزه تتاكدى ؟

مها : لا خلاص الحمد لله عرفت كل حاجه

محمود : ازاي ؟

مها : ربنا نزل عليا نعمته وقارنت كل اللي حصل وفهمت والحمد لله انا بنت ناس ومااعملش كدا وكل دا كان مجرد غلطه

محمود : الحمد لله وعشان انا عارف انك بنت ناس ومحترمه عملت كدا

مها وابتسمت لما سمعت الكلام : تسلم يا محمود ولو احتجت اى حاجه انا موجوده

محمود : ان شاء الله

ورجعت تانى لاصحابها

سالى : خير ؟

مها : مفيش كنت باشكره على اللي عمله

سلمى باعجاب : بصراحه راجل

سالى بغمزه : الله الله الله ايه ياعم مش احنا معجيين بحد تانى

سلمى باحراج : ساااالى

مها : اووبا لا دا فى تطورات كبيره وانا معرفش احكى احكى

سالى : لا انا اللي هحكى

سلمى : تصدقوا انكوا رخمين انا ماشيه

مها : استنى ايت مفيش مهرب احكووووووو بدل ما اصور قتيل النهارده

سالى وحتلها كل حاجه

مها بابتسامه : طيب ومكسوفه ليه والله ياسر محترم جدا

سلمى بضيق : ياستى وهو انا قولت حاجه

انا بس مش عايزه اعلق نفسى

مها بغمزه : متخافيش مش هتتعلقى

سلمى : يعنى ايه

مها : هتفهموا بعدين

وفجأه رن الموبايل

////////////////////////////////////

فى مكتب مصطفى

ياسر : طب ما دا كويس

مصطفى : ايه اللى كويس بالظبط

ياسر : يعنى انا شايف انها حست بيك

انت بتقول لما حضنتها استسلمت وحضنتك برده صح ؟

مصطفى :ايوه

ياسر : مفيش بنت هتستلم الا لما تكون حاسه بامان

مصطفى : عادى ممكن اى اخت تحس بالامان فى حضن اخوها او ابوها

ياسر : معاك حق بس انت غريب عنها لا اخوها ولا ابوها يا مصطفى

مصطفى : اوووف مش عايز اعلق نفسى بجد انا تعبت

ياسر : اصبر بس والله هتبقى نتيجة حلوه

مصطفى : يا رب بقى يا ياسر انا مستعد اعملها اى حاجه بس تبقى ليا برضاها  
المهله بتاعت الطلاق قربت

ياسر : ماتجيبش انت سيره بس لما نشوف هترسى على ايه

مصطفى : ماشى

ياسر : وهى كويسه دلوقتى ؟ كانت منهاره يا عيني

مصطفى : الحمد لله احسن ونزلت الكليه كمان وانا محبتش اقولها لاء عشان عارف اصحابها هيخلوها  
تفك وكدا

ياسر : احم طيب بمناسبه صحابها عايزك فى موضوع

مصطفى : خييييييييبيير ؟

ياسر : بصراحه كدا ومن الاخر انا معجب جدا بسلمى  
وعايز اتقدملها

مصطفى : بجد الف مبروك يا صاحبي ربنا يتمملك بخير  
وناوى امتى ؟

ياسر : اكيد مش دلوقتى شويه كدا عشان الوفاه وكدا لما الدنيا تهدى

مصطفى بابتسامه : طول عمرك اصيل يا ياسر

ياسر : ربنا يخليك يا صاحبي

مصطفى : ربنا يتمملك بخير يا رب

ياسر : بس انا عايز ع الاقل اعرف رأيها مش قادر اصبر بصراحه

مصطفى : بس كدا خليها عليا انا دى ياسيدى وان شاء الله خير

////////////////////////////////////

وفى مكان تانى

محمد ( بقى كدا يا مها تحطينى فى بلاك ليست واتصل من رقم تانى تقفلى فى وشى



( ماشى يا حلوه بس مش محمد اللى يتعمل معاه كدا )

! وبعث رساله

////////////////////////////////////

فى الجامعه

مها بصدمه : شوفوا بعث ايه

سالى : ورينى كدا

سلمى : اقرى

سالى : مش محمد اللى يتعمل معاه كدا يا مها  
شوفى بقى نتيجه غلطك دا وهيحصلك ايه

مها : يا ربى وانا هعمل ايه دلوقتى

سلمى : سيك منه

مها بضيق : اسينى ازاي مش شايفه الكلام يا سلمى

سلمى : يا بنتى اللى بيعمل مبيقولش واللى مبيقولش بيعمل افهميها

سالى : صح سلمى معاها حق لو فى حاجه فى ايده هيعملها

مها : افرضوا سجلى مكالمه مثلا او اى حاجه

سلمى : كان زمانه بعثها يا بنتى صدقيني

سالى : الخوف مش انه يسجل الخوف اللى بجد انه يعمل حاجه ثانيه

مها : انا اللى جيته لنفسى

سالى بخبث : وانتى زعلانه ليه هو هيقول لمين يعنى مصطفى مثلا ؟  
وافرضى قاله انتى يهملك ايه مش انتوا هتطلقوا

مها بلخبطه : يا ستى ع الاقل مبيقاش شكلى وحش

سالی : امممممممممممم وانا بقول كدا برده

مها بتهرب : بقول ايه انا همشى بقى زمان ماما مستنيانى ومصطفى رجع

سالی بنفس الاسلوب : ماما برده طب وماله ياحييتى روحى يلا

////////////////////////////////////

فى البيت

مها : خلاص يا ماما جهزتى ؟

الام : اه يا بنتى

مها : طب يلا عشان مصطفى تحت

ونزلوا تحت مها وامها وعمتها

وركبوا العربيه مع مصطفى  
! وطول الطريق كانت مها سرحانه ف كلام سالى وسلمى

مصطفى وقطع تفكيرها : يلا ياجماعه وصلنا

الام : بسم الله الرحمن الرحيم

وطلعوا للمحامى

مصطفى للسكرتيره : معانا معاد دلوقتى

السكرتيره : ايوه يا فندم اتفضل

ودخلوا للمحامى

مصطفى : ازيك يا استاذ سيد

سيد : الحمد لله اهلا وسهلا اتفضلوا

مها : شكرا

مصطفى : طبعا حضرتك عارف احنا جاين ليه

سيد : اكيد

الاول البقاء لله ان شاء الله تبقى اخر الاحزان

مها : اللهم امين

سيد : حضراتكوا جاهزين ؟

العمه بحماس : ايوه

مها وبصلتها بقرف : اتفضل حضرتك

الوصيه

بسم الله الرحمن الرحيم

قبل ما تقرأوا اى حاجه ادعولى بالرحمه والمغفره و اوعوا تنسونى

كل واحد هياخد حقه بما يرضى ربنا ومش هكتب حق الورثه الشرعيين ( زوجتى \_ ابنتى \_ اختى  
( الوحيد )

بس هزود حد جديد ف العيله عليه

انا كتبت جزء من الورث لمصطفى زوج بنتى لانه زى ابنى بالطبط

وليه الحق فى التصرف فيها

بعد التقسيمه الشرعيه هيفضل فلوس باقيه دى تاخدها يا مصطفى وتحطها وديعه فى البنك لولادك

انت ومها

واللى هيعترض من اللى موجودين كدا تنازل رسمى عن حقه

المحامى : وكدا خلصت الوصيه يا جماعه ونقدر نعمل اعلام الوراثه وكل واحد ياخذ حقه

الام بدموع : الله يرحمك يا حج

مها ومسكت ايد امها : اللهم امين

مصطفى : والاجراءات دى من امتى ؟

المحامى : من بكره لو تحبوا

العمه بضيق : لو ينفع من دلوقتى يبقى احسن

مها بتريقه : ايه يا عمتمو لحقتى تزهقى مننا

مصطفى وغمزلها : خلاص تمام تقدر حضرتك تبدا من بكره  
يلا يا جماعه  
بعد اذنك

////////////////////////////////////

فى البيت

مها : انا مش عارفه انت متضايق ليه

مصطفى بحزن : مش عايز اعملكوا مشاكل

مها : مشاكل فى ايه بس

مصطفى : اكيد بعد الوصيه دى عمتمك زعلت

مها بعصبيه : مش من حقها تزعل اصلا كل واحد حر فى ماله تزعل لو كان بابا منعها من حقها بس  
طول عمره اصيل

مصطفى : انا عارف

مها : متوجعش دماغك يا مصطفى مفيش حاجه واللى يزعل يزعل وكلام بابا هيمشى

مصطفى بتردد : وهنعمل ايه فى الوديعه

مها باحراج : مش عارفه بصراحه سييها لوقتها

مصطفى : ربنا يسهل

////////////////////////////////////

فى مكان تانى خالص

يسرا : يعنى انت عايز تفهمنى انك كدا مش متضايق

محمد : اووووووووف حلى عن سمايا يا يسرا



كل حاجه فى الدنيا بتتولد صغيره وتكبر  
! الا الحزن على الميت بيتولد كبير و يصغر مع الوقت  
بعد فتره فى بيت مها وانتهاء فتره العزا راح كل واحد لحاله حتى مها رجعت لبيتها تانى

مها بسرعه : انا نازله يا مصطفى عايز حاجه

مصطفى : ومالك مستعجله كدا

مها : اصل ورايا محاضره مهمه جدا والامتحانات ع الابواااب انت عارف

وكملت كلامها ع السلم

مصطفى : طيب طيب خلى بالك من نفسك يا مجنونه

وهوووب وقعت على السلم

مصطفى بخضه : مهاا

مها : اه يا انا يا ما اه

منك لله انت السبب

مصطفى : ليه يا بت هو انا عملتلك ايه

مها : حد قالك تجيلى جيبه طويله

مصطفى بخبث : مش بحافظ على اختى

مها بضيق : طيب يا خويا منك لله برده سلام

وفى الجامعه

دخلت مها المدرج وكانت سالى وسلمى حاجزين مكان ليها

سالى : بدرى يا هانم ناموسيتك كحلى

مها : بت بقولك ايه حلى عن سمايا عشان مش طايقه نفسى



مصطفى بعتاب : مش كدا يا ياسر براحه شوپه

ياسر بضيق : المناقصه دى كانت مهمه بالنسبه لينا وهتنقل الشركه نقله كبيره وهما بغنائهم ضيعوها

مصطفى : طيب استهدى بالله كدا  
مفيش حاجه ليك نصيب فيها هتضيع منك ابدأ

ياسر : ايوه بس كان لازم نحاول اكثر من كدا

مصطفى : صدقنى لو كان فيها خير ماكانتش بعدت عننا  
ربنا اللى بيرزق وعلينا اننا نصير

ياسر وبدأ يهدى : ونعم بالله  
بس اسعى يا عبد وانا اسعى معاك

مصطفى : فى دى معاك حق ممكن نزود مجهودنا ونهتم اكثر من كدا المره الجايه  
وادينا بنتعلم يا سيدى الحياه خبرات وتعاملات

ياسر : معاك حق

مصطفى : بلاش تاخذ كل حاجه على اعصابك كدا

ياسر : ان شاء الله

مصطفى بغمزه : بس مش دا بس اللى مخليك متعصب

ياسر بلخبطه : هيكون ايه تانى غير الشغل

مصطفى بخبث : ماانا بقولك اهو

ياسر بابتسامه : ميعرفش اهرب منك ابدأ

مصطفى :ايون اعترف بقى فى ايه

ياسر : خايف تضيع منى

مصطفى : سلمى ؟

ياسر بتنهيده : هو فيه غيرها



رغم انى مااتعاملتش معاها كتير بس معرفش ليه متعلق بيها  
هو فيه حاجه اسمها حب من اول نظره

مصطفى : انا مؤمن بارتياح وقبول من اول نظره بس مش حب  
يعنى مثلا الانسان لما يشوف نصيبه بتلاقى قلبه بيحس بيه ويمكن دا اللى حصلك

ياسر بشرود : وبعدين

مصطفى : وهتضيع ليه يا سیدی مش انت قولت هتتقدم

ياسر : لا منا مستنى الامور تهدى

مصطفى : يابنى خلاص الامور بقت اهدى من الاول كتير وبعدين الموضوع فات عليه اسبوعين  
واصحاب مراتى مش ساييينها حتى تفكر فى الحزن  
صدقنى محدش هيزعل

ياسر : بجد ؟

مصطفى : ايوه وبعدين يعنى الخطوبه هتتم فى يوم وليله اكيد هتاخذ وقت

ياسر : بس انا كان نفسى اوى اقولها بنفسى واشوف رد فعلها

مصطفى : اممم لو على دى هفكرلك فيها

ياسر بفرحه : ربنا يخليك ليا يا صاحبي

مصطفى : ايوه كدا اضحك

ياسر : نسيت اقولك على حاجه

مصطفى : خير

ياسر : خطوبه دكتور سمير بكره ان شاء الله وعازم الشركه كلها اكيد لازم نروح

مصطفى : ان شاء الله الحقيقه هو محترم ويستاهل كل خير

„„

نرجع للجامعه تانى

مها : بس ياستى اهى عمتى مشيت الحمد لله

بس اللی مزعلنی ان ماما لوحدها

سلمی : طیب ما تیجی تعیش معاکوا یا بنتی احسن

مها : اتحایلنا علیها هی مصممه  
خالتو قدامها اسبوع وتیجی تقعد معاها لما ابنها یسافر

سالی : واللہ صعبانہ علیا

مها : بس انا ومصطفی مش ساییینہا کل یوم عندها  
لولا انی خایفه تفهم الوضع بینا کان زمانی قعدت معاها

سلمی : خیر ربنا ییسر الحال

مها : امین

سالی : اللہ مش دی البت اسراء

وجت علیهم واحده من بعید لابسہ بنطلون ابيض وعلیه فست جینز طویل بشرتها بیضا وعیونها زرقا

سلمی : یا اهلا بذات العیون الزرقاء

اسراء : هههههههههههههههه وحشتونی یا کلاب

سالی : بس ابت یعنی تغیبی ومتعبریش وتقولی وحشتونی

اسراء : مشاغل واللہ  
ازیک یا میهو البقاء للہ یاحبیتنی واللہ لسه عارفه حالا

مها بابتسامه : ولا یهمک

اسراء : هاااا ایه الاخبار

کلهم : الحمد للہ

اسراء : طیب بسرعه بسرعه کدا فی رحله طالعه العین السخنه ما تیجو نطلع

سلمی : واللہ فکره حلوه  
واهو نظبط نفسنا قبل الامتحانات

اسراء : ادى واحده موافقه  
وانتوا يا مدامات

سالى : هسأل جوزى واقولك

مها بتردد : وانا كمان

اسراء : خلاص قشطه ردوا عليا بكره عشان احجز  
اشوفكوا بكره ان شاء الله

سالى : ان شاء الله

وبعد ما مشيت

سلمى : ها ايه رأيكوا

مها بتردد : تفتكروا مصطفى هيرضى

سالى : ايوه طبعا ما هيصدق

مها : ماانا عشان كدا مش عايزه اطلع

سالى : يووووه يابنتى فوقى لنفسك بقى بطلى العند اللى انتى فيه  
انتى كنتى هتطلقى عشان الزفت بتاعك واهو راج فى داهيه ادينى سبب مقنع يخليكى متكمليش  
مع مصطفى

مها : عشان انا مش بحبه

سالى : متضحكيش على نفسك يا مها انتى بداتى تميلى لمصطفى  
سيبى نفسك واديلها فرصه متقفليش كدا ولو محستيش يا ستى ابقى سبيه

سلمى : والله معاكى حق

مها بتنهيده : حاضر

سالى بابتسامه : متزعليش منى انا خايفه على مصلحتك

وبصت فى موبايلها

سالى : يلا يادوب اروح



عدى شابین من قدام مها

شاب : ايبيه يا جميل واقف لوحك ليه ما تيجى معانا

التانى : انزل هاتها ياعم

ونزل من العرييه

مها : احترم نفسك بدل ما اعملك مشكله

الشاب : يا واد يا خطر انت ورينى هتعملى ايه

مها وبدأت تخاف : ابعد عنى احسنلك

الشاب ومسك ذراعها : طب ما تورينى كدا هتعملى ايه

وفجأه

مصطفى بزعيق : سيب مراتى يا حيوان انت  
وشده من هدومه

الشاب التانى : اركب ياعم بسرعه مش ناقصين مشاكل

مصطفى : حبيبتي جراك حاجه

مها ورمت نفسها فى حضنه : انا خوفت اوى

مصطفى : متخافيش طول ماانا جنبك  
تعالى يلا نركب

وبعد ما ركبوا

مصطفى : لسه خايفه

مها وابتسمت : لاء

مصطفى : معلىش انا اللى اخرت السواق كنت راكب معاه وروحوا عشان اجى اخذك

مها : ماانا استغربت برده





مها : ربنا يصبرنا

مصطفى : يارب

مها : اعملك عشا ؟

مصطفى : يا خبر هو انا بطلت اكل

مها : ههههههههه ماانا كنت هقول عليك طفس برده

مصطفى : بقى كدا

مها : ايون

مصطفى وطلع لسانه : مش بتغاظ

مها : هههههههههههه ماشى

يلا بقى انا هنام عشان فصلت

مصطفى : ماشى تصبى على خير

مها : راىح فين ؟

مصطفى : هنام ف الاوضه التانيه

مها بكسوف : هو مش ينفع تحكيلى حدوته تانى ؟

مصطفى وابتسم : اه طبعا ينفع

مها بطفوليه : ماثى يلا عسان تحكيلى

مصطفى : هههههههههههه حاضر هانيمك واقوم عشان تظمنى

مها : ماشى

! وفعلا حكالها حدوته ونامت فى اولها

وقام مصطفى عشان يروح الاوضه التانيه





مصطفى ( كنت متأكد انك ماكنتيش ف وعيك بس مش مشكله المهم انك نمتى فى حضى ) : اه والله

مها : معلش  
يلا عشان احضرك الفطار قبل ما انزل

مصطفى بصوت واطى : معلش ايه البت دى مجنونه ولا ايه  
صبرنى ياااa

وعلى الفطار  
مها بتردد : مصطفى

مصطفى : نعم

مها : كنت عايزه اقولك حاجه ومش عارفه هتوافق ولا ايه ؟

مصطفى : اتفضلى

مها بتردد : اصل فيه رحله تبع الكليه العين السخنه وكنا عايزين نطلعها انا والبنتا كتغيير جو قبل الامتحانات وكدا

! مصطفى باستغراب : لوحدكوا

مها باحراج : لا مسموح بمرافق عادى وفكرت نروح مع بعض

مصطفى : وماله والله فكره حلوه انا كمان محتاج تغيير جو

يعنى موافق ؟ : مها بفرحه

مصطفى : وانا اقدر ارفضك طلب ؟

مها : ربنا يخليك شكرا  
انا نازله بقى عشان الحق المحاضره واحجز لينا

مصطفى : طيب بقولك ابقى استنى السواق جوا الكليه ولما بيجى وتتاكدى انه موجود اطلعى عشان  
ميتكررش اللى حصل تانى

مها : حاضر يلا سلام





وفجأه

مها : انا عايزه اقف فى البلكونه اللى هناك دى

مصطفى : بس كدا تحت امر البرنسيسه  
بعد اذنكوا يا بشر

هانى : اذنك معاك يا خويا

وراحوا البلكونه

مصطفى : نفسى اعرف قصه حبك مع البلكونات

مها بابتسامه : وانا كمان نفسى اعرف

وفجأه دخل عليهم واحده لابسه فستان احمر قصير وعريان لحد نص الظهر وملفت جدا

يسرا: ازيك يا دكتور مصطفى

مصطفى : اهلا يا يسرا ازيك

يسرا : مدام مها مش كدا ؟

مها بصدمه : ايوه

!! يسرا بابتسامه واسعه : اعرفكوا محمد خطيبى

الحلقه الثامنه عشر

! ساعات الخوف لما يملكنا بنتصرف بطريقه خارجه عن الاراده والمنطق

فى بيت مها بعد ما روحوا  
مها بعصبيه : يعنى ايه دى تشتغل عندك سكرتيره بمناسبه ايه

مصطفى : طيب اهدى بس ونتكلم

مها : مش هتنيل اهدى رد عليا ديه منظر ايه القرف دا

مصطفى : يا مها دى كانت فى حفله انا مالى بلبسها بره هى حره انا ليا شغلى

مها بتريقه : هههههه اه ما انتوا الرجاله كلكوا كدا ميعجبكوش غير اللى لبسهم زباله

مصطفى وبصلها بغضب : انا مش هرد عليكى عشان انتى متعصبه  
لما تبقى تهدى نبقى نتكلم

وخرج ورزق الباب وراه

ساب مها فى عز عصبيتها  
! عنادها  
خوفها  
!! وكمان غيرتها

كانت كل ما تفتكر كلمة محمد تعيط اكثر

يسرا : محمد خطيبى

مصطفى بابتسامه : اهلا وسهلا استاذ محمد تشرفنا بيبك

محمد بخبث وبص لمها : دا انا اللى سعيد جدا انى اتعرفت على حضرتك

مصطفى : بس اتخطبتى امتى اول مره اعرف انك مخطوبه

يسرا : من اسبوع كدا

محمد : ما تيجوا نقعد مع بعض  
وبص لمها بابتسامه مستغزه  
ولا المدام تتضايق ؟

مصطفى : لا ان شاء الله مفيش مضايقه اتفضلوا وهنحصلكوا

وهما ماشيين مال عليها محمد وقالها



! ودخل عليها لقاها ساجده وبتعيط

استناها لما خلصت

مصطفى بحنيه : انا اسف  
زعلتك

بصلته مها وسكتت

مصطفى بحزن : مها متحسسنيش بالذنب بجد اسف والله انا استغربت بس

مها ( انت ليه مصمم تحسسني انك احسن منى ليه كل ما اعمل حاجه وحشه تردها بحاجه حلوه  
( لبييه كدا

مصطفى : ردى بقى  
طب يارب اموت لو فضلتى ساكتة كدا

مها بسرعه : بعيد الشر

مصطفى ويغمز لها : ايه خايفه عليا اوى كدا  
ههههههه عسل وانتى وشك احمر طماطم ايه كدا

مها واتكسفت اكثر

مصطفى : اضحكى بقى قرفتيني كل شويه عياط عياط

مها وابتسمت

مصطفى ومسك ايديها : مها انتى في حاجه مخياها عليا ؟

مها بخضه : حاجه ايه

مصطفى : معرفش انا بسألك

مها : ليه بتقول كدا هكون مخبيه ايه يعنى

مصطفى بتنهيده : مش عارف حاسس انك متضايقه من حاجه او في حاجه شاغله بالك  
احكيلى يا مها

مها : مفيش حاجه



مصطفى وضغط على نفسه : احنا برده اخوات والاخوات بيحكوا لبعض  
قوليلي حتى لو حاجه تزعلنى منك وانا اوعدك هساعدك متخافيش اتفقنا ؟

مها : اتفقنا

مصطفى بمرح : يلا غسلى سنانك كويس قبل ما تنامى ؟  
عشان الكليه الصبح

مها : هههههه خفه

مصطفى : ما هو لو مش خفه مش هتضحكى

مها : بطل رخامه

مصطفى : انا رخم ؟

مها : ايوه

مصطفى وشالها : طيببيبيبي هوريكى مين الرخم

مها بضحك : مصطفى بطل رخامه نزلنى

مصطفى : لاء

مها : يوووووه نزلنى

مصطفى : ياستى هو انا هاكلك كنت هحطك ع السرير بس عشان تنامى

مها : شاكرين افضال حضرتك

مصطفى : هههههههه ماشى  
كنت عايزك فى موضوع بس قبل ما تنامى

مها : اتفضل

مصطفى : هى سلمى طالعه الرحله معنا

مها : اه ان شاء الله

مصطفى : حلووو اوى نتفق بقى

.....

تانى يوم فى الجامعه

بعد ما حكت مها على اللى حصل

سالى بخضه : يا نهار مش معدى

مها بضيق : كنت هموت من الخضه

سلمى : انشاله هو

بس دا مش هيحبها لبر

مها : انا خايفه اوى

سالى بتشجيع : هتخافى من ايه يابنتى ميقدرش يعمل حاجه اصلا

مها : انتى قولتى كدا المره اللى فاتت واهو عمل ووصلى مع مصطفى

سلمى : طيب وبعدين

مها : معرفش انا المره دى عرفت اخلع بالزعيق وبحجة الغيره

سالى بغمزه : حجه برده

مها : اووووووف سالى وربنا مش وقتك انا بحكى عشان تشوفوا حل مش عشان تتريقى

سالى : على فكره مش بتريق ولا بهزر انا بتكلم جد

مها : يعنى ايه

سالى : يعنى انتى فعلا غيرتى مش حجه ولا حاجه

مها : هو دا موقف اغير فيه ولا اعرف افكر اصلا

سلمى : بس الغيره بتيجى من غير تفكير زى الحب كدا

سالی : صح یا سلمی

مها : عایزین توصلوا لایه

سالی : مش عایزه اوصل غیر انک حبیتی مصطفی وبتنکری قدام نفسک

مها بعصیه : لا حبیت ولا غیرت ولا اتنیلت یا ستی

سالی : لا حبیتی لو مش بتحبیه اطلقى منه المده فاتت خلاص ومامتک اولی تقعدى معاها  
تقدرى تفهمینى ایه مخلیکى معاها

مها وسکتت

سالی : ردی علیا وصلینى انتى لرد

مها بصوت واطى : وهیفید بایه بحبه او لاء انا عایزه حل مش اعتراف

سالی : کملی معايا للاخر وهتعرفى هیفید بایه

مها بتنهیده : مش عارفه یا بنات

کل اللی اعرفه انه اول حد احس معاها بالامان بجد انا اول مره انام فى حضن حد وارتاح بالشکل دا  
اول مره احس ان فیه حد خایف علیا بجد ومش مستننى منى مقابل  
حبنى عشان شخصیتى واللی جوایا مش شکلی وبس  
حاسه کل حاجه حلوه معاها

سلمی : اووبا یبقى هو دا الحب یا معلم

سالی بحنیه : طیب وساکنه لیه یا مها

مها : یعنی اعمل ایه ارواح اقوله

سالی : مش مهم تقولى ممکن تبینى بس مش اکثر

مها : ابین ازای وانا عملت فیه کدا تفتکروا لو عرف هیفضل یحبنى اصلا

سالی : ایوه هیفضل وعشان کدا انا قولتک کملی معايا للاخر وهقولک الحل

سلمی : مش فاهمه

مها : ولا انا وضحی







محمد بشك : وعرفتى منين

يسرا : لا سورى ليا مصادرى الخاصه

محمد : تمام اوى بينا على العين السخنه

////////////////////////////////////

الحلقه التاسعه عشر

تانى يوم صحيو ابطالنا لليوم الموعد  
اللى الكل مستنيه  
فيه اللى مستنى عشان يعترف بحبه  
اللى مستنى يشوف حبيبه  
! واللى مستنى ينتقم

مصطفى : مها مها مها اصحى اصحى

مها بكسل : ايه يا مصطفى الدوشه دى

مصطفى : يلا عشان الرحله

مها : طيب طيب مالك فى ايه

مصطفى : مفييش حاسس انه هيبقى يوم حلو

مها بابتسامه : ان شاء الله

مصطفى : يلا هنفوت على سلمى ؟

مها : طيب مش نفطر الاول

مصطفى : نفطر ع البحر بقى معانا اكل كتير  
يلا قومى نصلى جماعه ونمشى





مها : على فكره بقى انت مش اكبر منى بكتير

مصطفى : بس اكبر برده

سلمى : ههههههه خلاص ياجماعه صلوا على النبى

الكل : عليه الصلاه و السلام

مها : سيونى اركز ف الطريق بقى

مصطفى : سيناكى ياختى

مها : شايفين منظر الجبال تحفه سبحان الله

مصطفى : فعلا سبحان الله

سلمى : انا كان نفسى اجى من زمان

مصطفى : هو انتى مروحتيش العين السخنه قبل كدا ؟

سلمى : لا خالص

مراد : انا اتحايلت ع ناس هنا نقضى فيها شهر العسل بس مارضيوش

سالى : احم احم

مصطفى : ههههههه الكلام ليكى يا جاره

سالى : ع فكره شرم الشيخ احلى

مشرف الرحله : يلا ياجماعه جهزوا نفسكوا عشان هننزل هنا

مصطفى : بسم الله الرحمن الرحيم توكلنا على الله

.....

و فى نفس الطريق

محمد بعصبيه : يعنى ايه متعرفش تيجى انا بقولك واقف فى نص الطريق ياغيبى

میکانیکی : یا بیه انا اجازه النهارده  
وكله اجازه برده مش هتلاقی تصلیح دلوقتی  
سیب العربیه فی مکانها وانا حاجی بکره

محمد : اووووووووووووووف

یسرا : فی ایه

محمد : مفیش تصلیح انهارده

یسرا : وهنعمل ایه

محمد : تعالی ندور ع اقرب بنزینه

یسرا : یعنی مش هنروح العین السخنه ؟  
وهنسیبهم کدا ؟

محمد : عیب علیکی وابقی محمد ازای ؟  
انا عملت حسابی وبعث وراهم ناس

,,,,,,,,,,,,,,,,,,,,,,,,,,,,,,,,,,,,,

المشرف : حمد الله على السلامه یا جماعه  
دلوقتی جوله حره على البحر وفيه كافيها كثير للى عايز يفطر  
التجمع هنا الساعة 11

نروح لابطالنا

مراد : هو مصطفى راج فين ؟

مها : بيحيب صاحبه  
وغمزت لسالى

سالى بخبث : صاحبه مين يا ميهو

مها : ياسر

سلمى باستغراب : ايه دا هو جاي ؟

مها : اه









وبعد ما قفل

مها : فى ايه

مصطفى : هههههههه البيه لخمه ومش عارف يتصرف

مها : هههههههههههه تلاقى سلمى مصدره الوش الخشب  
اصلها لما بتتكسف بتقلب حنفى

مصطفى : هههههههههههه انا قولتله يتصرف  
فكرنى بيوم لما اتقدمتلك  
باباكى هو اللى كان بيكلمى الكلام

مها : ههههههههه الله يرحمه  
انت واصحابك لخمه بقى

مصطفى بابتسامه : اه بس فيه فرق بينا

مها : ايه هو

مصطفى : يعنى هى معجبه بيه وهو كمان وان شاء الله هيحبوا بعض  
انما احنا لاء

مها وسكتت

مصطفى قام وادهاا ضهره  
وبصوت ضعيف : تعرفى كان نفسى تحبينى اوى ما بحبك  
انا .. انا اسف انى بقول كدا

مها بحنان : اسف على ايه

مصطفى : معلىش همشى شوويه وارجعلك

مها : استنى رايح فىن

مصطفى : مش هتاخر

مها وشدته وحضنته : متسبينيش وتمشى







ياسر : اممم

سلمى : فى حاجه ولا ايه ؟

ياسر : بصراحه عايز اقولك على حاجه

سلمى : اتفضل

ياسر وخذ نفس طويل : بصى ومن الاخر كدا انا ماليش ف اللف ولا الدوارن واول مره فى حياتى اتحط  
ف الموقف دا  
بصراحه جدا انا معجب بيكى وعايز اتقدملك قولتى ايه

سلمى وبصتله بصدمة

ياسر : انا عارف انى فاجأتك بس بصراحه مش بعرف اتكلم فى الحاجات دى والصرابه احسن حاجه  
لو موافقه ع كلامى عرفينى وانا هكلم بابا واحدد معاد معاه

سلمى وسكتت خالص

ياسر : سلمى ؟

سلمى فجاه : يلا بينا نشوف سالى ومراد فين

ياسر بلخبطه : مش موافقه ؟

سلمى بكسوف : خد رقم بابا

ياسر : بجد ؟

سلمى : هتكتبه ولا لاء ؟

ياسر : لا!!!!!!!!!!!!!! ايه بس حرام عليكى وقعتى قلبى

سلمى : طيب اهو

ياسر وكتب الرقم على موبايله

سلمى : تمام كدا ؟

ياسر بابتسامه واسعه : تمام اوى

سلمى : مش يلا بينا ؟

.....

مها بفرحه : الهوا هنا حلو اوى

مصطفى : ايه رأيك بقى لسه خايفه ؟؟

مها بابتسامه : لا خالص

مصطفى : يعنى بقيتى بتطمنى معايا ؟

مها : لولا الامان اللى معاك مكنتش عرفت انى بحبك

مصطفى : ياااااااااه انا مش مصدق نفسى

مها : ايه بقى انا جعانه

مصطفى : ايه دا يا بت انا بدأت اشك فيكى

مها : يووه ما البحر بيجوع

مصطفى وقرب منها وحضنها : طيب ما تخلىنا هنا شويه

مها بصوت واطى : ماشى

وحضنته وغمضت عنيه

سكنت شوويه

وقالت : عارف بحمد ربنا انى حبيتك بعد الجواز

عشان اعرف اتكلم وكمان احس

تخيل لو كنت اتحرمت من الامان اللى ف حضنك دا

مصطفى وابتسم : الحمد لله انا كنت بدعى ربنا طول الوقت يحبك فيا

مها : يعنى مكنتش هتطلقنى ؟

مصطفى : مقدرش حتى لو تلا حظى ان المده اللى حددتها فاتت من زمان









ياسر بابتسامه : وانا وخطيبتى المستقبلية موافقين ولا ايه يا سلمى  
سلمى بكسوف : تمام

.....

وراحوا ع مكان الحفله  
واشتغل الدى جى على اول اغنيه رومانسيه  
ورقص مصطفى ومها مع بعض  
مصطفى : يااااه كل ما افتكر يوم الفرح وانتى مش راضيه تصيلى  
مها : يوووه انسى بقى  
مصطفى وضمها اكثر : حاضر هنسى  
مها وبعدت : مصطفى اتخرج من زمايلى بطل بقى  
مصطفى : مراد كان عنده حق يارتنا جينا لوحدا  
مها : مش قولتلى هتعوضى ؟  
مصطفى : اه طبعا يا حبيبتى

سالى : انا فرحانه اوى  
مراد : وانا فرحان عشان انتى فرحانه  
سالى : فاكر رقصتنا يوم فرحنا ؟  
مراد : ودا يوم يتنسى ؟  
احلى يوم فى حياتى  
سالى : بجد يا مراد يعنى انت لسه بتحبينى ؟  
مراد : انتى عبيطه ؟ بحبك بس دا انا بعشقتك  
سالى : يعنى الجواز مقلش من حبك ليا ؟  
مراد : فكرة كل الناس الغلط ان الجواز بيضيع الحب مع ان مفروض العكس  
صدقينى حبى ليكى بيزيد اضعاف من ساعه ما اتجوزنا يا حبيبتى  
طول ما احنا متفاهمين وعارفين نمشى المركب بينا مفيش حاجه هتقل  
سالى بابتسامه : انا بحبك اوى ربنا يخليك ليا  
مراد : ويخليكى ليا يا حبيبتى

ياسر : عقبال يوم فرحنا لما نرقص كدا مع بعض  
سلمى بكسوف : ان شاء الله  
ياسر : احلى حاجه فيكى كسوفك دا  
سلمى وزاد حمرة وشها : ربنا يخليك  
ياسر : مينفعش ربنا يخليك ليا ؟  
سكتت سلمى  
ياسر : ماشى انا عارف انها مش وقتها

فى الاتوبيس  
مصطفى : كان يوم حلو اوى وسعيد بمعرفتك يا مراد  
مراد : تسلم يادكتور ربنا يخليك





! مها وصوتت بصوت عالى

بسم الله الرحمن الرحيم

مصطفى بخضه : مها ايه يا حبيبتى مالك

مها بعياط : كابوس

مصطفى : بسم الله الرحمن الرحيم

متخافيش يا حبيبتى انا جنبك اهو

متحكيش عشان ميتحققش

مها : حاضر

مصطفى حضاها : انتى فى حضى اهو

اهدى بس

استنى اقرالك قران

وضمها اكرت وبدأ يحط ايده ع راسها ويقرأ المعوذتين وايه الكرسي

وبعد شويه

مصطفى : لسه خايفه ؟

مها وهزت راسها لا

مصطفى : الحمد لله

مها : صوتك حلو اوى ف القرآن

مصطفى بهمس : دا بس عشان انتى اللى بتسمعيه

يلا يا حبيبتى عشان تكملى نومك

مها : حاضر مش هتنام؟

مصطفى : لا هستناكى تنامى الاول واطمن عليكى

مها بابتسامه : ربنا يخليك ليا

ونامت مها وقررت قرار واحد

..... تحكى لمصطفى على كل حاجه

.....

تانى يوم الصبح فى بيت سلمى

سلمى : بس ياماما هو دا كل اللى حصل

ماما : يعنى هو جه الرحله مخصوص عشانك؟

سلمى : ايوه ياستى دا دكتور صيدلى وكمان قولتلك شريك مصطفى مش فاضى هو لجو الرحلات وكدا

ماما : اممممم

سلمى بغيط : ايه طعمه حلو؟

ما تردى عليا

ماما : ارد عليكى بايه يابنت المجنونه هو انا ابوكى

سلمى : ياستى هتقولى لبابا ولا لاء

ماما : الاحسن تيجى منك له

سلمى : لا انا خيفه يزعق

ماما : وهيزعق ليه هو انتى كنتى تعرفى

سلمى : لا والله ابدأ دا كان كمين من اصحابى

ماما : طيب متخافيش وكدا كذا باباكى متفاهم مش هيعمل حاجه والراجل نيته شريفه وهيدخل البيت من باب

سلمى : ربنا يستر

ماما : متخافيش اللى فى الخير ربنا يقدمه

,,,

وفى ناحيه تانيه

ياسر : ايوه يا رباب والله عايز اخطب

رباب : بجد انا مش مصدقه اخيرا

ياسر : هههههههههههه ايه يابنتى محسسانى انى عندى 50 سنه

رباب : اصلى مستنيه من زمان

ياسر : ال يعنى هتنزلىلى من امريكا

رباب : وماانزلىلى ليه ؟

ياسر بفرحه : بجد يا رباب هتيجى مخصوص ؟

رباب : واحنا لينا غير بعض ياحيبى لو مكنتش جنبك هبقى مع مين

ياسر : ربنا يخليكى ليا يا احلى روى فى الدنيا

رباب : هههههههههه ويخليك ليا ياحيبى

ياسر : انا مستنى اخذ معاد وهروح ان شاء الله

رباب : خلاص لما تروح عرفنى عشان احدد معاد النزول

ياسر : تمام اتفقنا

.....

فى بيت مها

مها بزعل : لا بقى انت قلت هتقضى اليوم معايا

مصطفى باستعجال : معلش ياحيبى فى شغل كثير لازم اخلصه وهانى هيولع فى لو منزلتس  
عشان شايل كل حاجه ع دماغه

مها : طيب هتتأخر ؟

مصطفى : لا ان شاء الله

مها : يوووه بدل ما قلت كدا بيقي هتتأخر

طيب عايزه ارواح لماما

مصطفى : خلاص ماشى خدى السواق يوديكي وهاجيلك انا على هناك

مها : حاضر

مصطفى وباسها على راسها : لا اله الا الله

مها : محمد رسول الله

.....

فى التليفون

سالى : ها يابنتى وبعدين

سلمى : ولا قبلين مفروض بقى انى اقول لبابا

سالى : طيب وهتكلميه امتى

سلمى : مش عارفه بجد محرجه جدا







مها : اممم مفيش حاجه بسيطه اكتشفت انه احسن واحد فى الدنيا دى

الام: ياعم ياعم ايه دا كله واكتشفتى ازاي بقى

مها : مش عارفه المهم انى اكتشفت

الام : وانتى بقى بتتكلمى بجد ؟

مها بابتسامه : اه والله ياماما

الحمد لله عرفت مصلحتى فين ومرتاحه كدا

الام بتنهيده : ربنا يريح قلبك دايمًا يا بنتى

يعنى ابوكى كان معاه حق

مها : الله يرحمه

الام : عارفه انا لولا كنت واثقه من رأيه مكنتش حطيتك فى الموقف دا ابدًا

مها بابتسامه : محدش بيتعلم بالساهل يا ماما

الام : ربنا يكملك بعقلك ويتمملك على خير

مها : مش هتيجى تقعدى معايا بقى

الام : لا انا مبعرفش اسيب بيتى

مها بحزن : ياماما ببقى قلقانه عليكى

الام : متقلقيش ياستى خلاص خالتك هتيجي تقعد معايا بكره

مها : مانتى قولتى كدا ومجتش

الام : لا خلاص قفلت شقتها وجايه ان شاء الله

مها : ماشى اما نشوف

.....

فى تليفون تانى خالص

يسرا : لا متنزلهاش الجامعه اصلا هى مش هناك

محمد باستغراب : وعرفتى منين

يسرا : عرفت وخلص هى دلوقتى عند امها ولما يخلص هياخذها

محمد : امممممممممم فهمتك

يسرا : هههههههههههه ماشى مقولتليش كنت نازل لها ليه

محمد : يعنى كنت هاعمل محاوله اخيره كدا

قبل الخطوه الجايه

يسرا : اووووف مش هتوضح كلامك بقى

! محمد : مش انتى بتعرفى فى الاخر ايه لازمته التوضيح

يسرا : ماشى يامحمد

انت فاضى انهارده ؟

محمد : اشمعنى

يسرا بدلال يعنى وحشتنى شويه هاجى اشوفك

محمد بيروود : لا مش فاضى عندى معاد

يسرا : واحده جديده برده ؟

محمد : بالظبط كدا

يلا سلام انتى دلوقتى ولو فى جديد عرفينى

( يسرا ) اووووووف ماشى يامحمد هاخذ مصلحتى واربيك

,,

فى مكتب هانى

هانى : اووووووووووف اخيرا خلصنا

مصطفى : انا تعبت اوى

ياسر : وانا جعان اوى

هانى : ههههههههه على طول طفس

ياسر : بس ياعم بقى ارحمنى

مصطفى : طيب هنعمل ايه ف المناقصه الجديده

هانى : انا عملت دراسه جدوى من الاخر يعنى

مصطفى : ياخوفى على من الاخر دى

هانى : اطمئن ان شاء الله واثق المره دى

هنعمل اجتماع بكره ونعرضها

ياسر : خلاص تمام

مصطفى : ماشى بالاذن انا بقى عشان اجيب مراتى

ياسر : اللى اداك يدينا ياسيدى

مصطفى : ابوس ايديك بطل قر انا ماصدقت

يلا سلام

////////////////////////////////////

فى بيت ام مها

مصطفى باستغراب : مشيت ازاي انا قايلها هاجى اخدها

الام: والله ماانا عارفه يابنى هى فجأه قالت انا دايله وهروح قولتلها طب نامى وتستنك مارضيتش

مصطفى : خير خلاص انا هروح اشوف فى ايه

الام : ماشى يا حبيبي ربنا يهنيكوا

مصطفى : ربنا يخليكى يا احلى ام فى الدنيا مش عايزه حاجه منى ؟

الام : عايزه سلامتك

وراح مصطفى على بيته

! فتح الباب الشقه كلها ضلمه

مصطفى : مها ؟ انتى فىين

ايه دا هو النور قاطع ولا ايه

سكوووت تانااااام

مصطفى دخل وفتح النور

لقى الصاله مليونه ورد على شكل اسهم ومكتوب ورقه ع الارض

وطى جاب الورقه وكانت مكتوب عليها لو عايزنى بص على اتجاه السهم

مشى مصطفى ودخل على اوضة نومهم

فتح الباب بالراحه

!! مصطفى بصوت واطى : مها انتى هنا

دخل مصطفى لقى مها لابسه فستان ابيض وساييه شعرها الطويل على ظهرها

ولابسه تاج صغير

مصطفى ومش مصدق : بسم الله ما شاء الله

مها بابتسامه واسعه : ايه مالك بتبصلى كدا ليه

مصطفى : مش مصدق عينى ايه القمر دا

مها بكسوف : عجبتك ؟

مصطفى وشدها فى حضنه : عجبتينى بس ؟

ايه المفاجأه الحلوه دى

مها : حاجه قليله عليك قلت اعوضك عن يوم فرحنا

مصطفى : دى احلى حاجه فى الدنيا

مها : لا انت اللى احلى حاجه فى الدنيا

مصطفى ضمها اكثر : ربنا يخليكى ليا

مها سکتت شوپیه فی حزنه وفجأه

مها : استنی بقی لسه فی مفاجأه تانیه

وشدته من ایده

مصطفی : استنی رایحه فین

مها : ع المطبخ تعالی بسرعه

مصطفی شدها : مفیش مطایخ فیه هنا وبس

مها : یووہ یامصطفی استنی شوپیه بس هوریک حاجه

مصطفی ومسکها اکثر : لا مش وقته

مها بطفولیه : عشان خاطرئ تعبت فیها

مصطفی

قاطعها مصطفی وشالها

مصطفی : شششششششششششششش

مها : اس ت ن ی

و سکتت مها واستسلمت لرأیه وقررت تأجیل المافجأه لوقت تانی

الحلقه الحادیه والعشرون

صحیت مها علی رنه موبایلها  
بصت جنبها ملقتش مصطفی  
,, ردت علی الموبایل







ونزلت مها من العرييه

نده عليها مصطفى ورجعته تانى

مها : ايوه

مصطفى : بحبك

..... مها بكسوف : وانا كمان

.....

فى الجامعه

مها : انا جعانه اوى

سلمى : ايه يا مفجوعه ع الصبح

مها : مش عارفه والله مع انى فطرت مع مصطفى بس عايزه اكل تانى

سلمى : طيب روحى هاتيلنا احنا الاتنين وانا هاطلع اشوف المدرج ايه نظامه عشان نلاقى مكان

مها : خلاص ماشى

وسابتها مها وراحت للكافتريا

رن موبايها

مها : الو

مصطفى : اسمها السلام عليكم يا مدام

مها : ههههههههه السلام عليكم يا مدام

مصطفى : يلا يا بت من هنا

مها : يعنى انت اللى متصل وتقولى يلا عايز ايه

مصطفى : مفيش كنت هقولك بحبك بس خساره فيكى

مها : بقى كدا ؟

مصطفى : امممم لا مقدرش

مها : ماانا عارفه

مصطفى : هههههههه احبك وانت واثق

مها : وانا كمان بحبك اوى

مصطفى : طيب ما تيجى نروح ؟

مها : هههههههه مصطفى ائلم شوويه ايه انت مش وراك شغل

مصطفى : اه بس قولت اظمن على حبيبتى انتى فىن دلوقتى

مها : انا عند الكافيتريا بشترى اكل وسلمى طلعت المدرج

مصطفى : و واقفه لوحدهك ؟

مها : اه

مصطفى بضيق : خلصى بسرعه يامها واطلعي

مها : متخافش هو انا واقفه ف الشارع

مصطفى : سمعتى انا قولت ايه ؟

مها : خلاص خلاص حاضر

مصطفى : متروحيش فى حتة غير لما اجى

مها : حاضر

مصطفى : وخلي بالك من نفسك

مها : حاضر يا مصطفى حاااااااااااااضر

مصطفى : هههههه ماشى يا حبيبتى يلا سلام  
!! وقفلت الموبايل ولسه بتلف لقيته قدامها

.....

فى الشركة

يسرا : فيه واحده عايزه تقابل حضرتك يا فندم

مصطفى : مين ؟

يسرا : مش عارفه بس شكلها مندوبه عن شركه

مصطفى : اوك خليها تتفضل

بعد شويه

دخلت واحده لابسه تونيك بنى طويل عليه طرحه كافيه  
جميله بشرتها بيضه وعيونها زرقا

! مصطفى باستغراب : دكتوراه سهام

سهام : دكتور مصطفى ازيك

مصطفى : اهلا وسهلا اتفضلى  
ياه ايه المفاجاه دى

سهام : هههه الحقيقه هى مفاجاه كمان بالنسبه ليا معرفش انك صاحب الشركه

مصطفى : رب صدفه خير من الف ميعاد

سهام : فعلا الف مبروك على الشركه

مصطفى : الله يبارك فيكى وانتى اخبارك ايه؟؟

سهام : انا الحمد لله ربنا كرمنى وفتحت صيدليه فى وسط البلد  
وكمان شغاله فى جمعيه خيريه ودا اللى جانبى انهارده

مصطفى : خير اتفضلى

سهام : بص انا من زمان مشتركه ف جمعيه خيريه وكنت مجرد متطوعه لحد ما قولتلهم على فكره  
توفير ادويه لغير القادرين وبقيت انا اللى ماسكه الموضوع دا

مصطفى : تمام ربنا يباركلك

سهام : وانا سمعت ان الشركه هنا كويسه واسعارها مناسبه ونازله باسلوب جديد ف السوق دا غير  
ما شاء الله السمععه الطيبه  
... قولت اجى عشان اجمع اى تبرعات

مصطفى : ودى هتبقى عبارته عن ايه او ايه الفكره بالظبط

سهام : يعنى لو تقدر تتبرع بادويه معينه زياده عن حاجه الشركه او تباعى دوا باقل من سعره اللي يربحك

مصطفى : فكره حلوه والله ربنا يجازيكى خير  
خلاص انا معنديش مانع شووفى ايه اكثر حاجه محتجاها وقوليلى عليها ولو عايزه الاتنين مفيش مشكله

سهام بابتسامه : طول عمرك بتحب الخير

مصطفى : ياه انتى لسه فاكهه

سهام : اكيد مانا اخدت الفكره منك ايام الكليه وكملت عليها بقى

مصطفى : ربنا يجازينا كلنا خير  
نحدد نوع الدوا والكميه اللي محتجاها

سهام : تمام دى ورقه فيها كل الطلبات واللى تقدر توفره ببقى كتر خيرك وانا معايا نسخه منها وهشوف شركات تانيه

مصطفى واخذ الورقه وقرأ اللي فيها بسرعه  
لا لا مفيش داعى كل حاجه هنا متوفره ان شاء الله :

سهام بتنهيده ارتياح : ياه وفرت عليا مشاوير كتير

مصطفى : ههههههههه اى خدمه يادكتور ودا رقم المكتب بتاعى لو احتاجتى اى حاجه فى اى وقت اتصلى وانا ابتعهالك على الجمعيه

سهام : تسلم يادكتور طب اقدر اخدها امتى ؟

مصطفى : انا هاكلم السكرتيره وهى هتبلغهم وتجهزلك كل حاجه

سهام : تمام انا هستنى بره عشان معطلكش  
مصطفى : لا ولا تعطيل ولا حاجه

سهام : لا مفيش داعى بعد اذنك

مصطفى : ماشى فرصه سعيده

-----  
فى الجامعه

ولفت مها ولقته فى وشها

! مها : محمود

محمود بابتسامه : ازيك يا مها ايه مالك اتخضيتى كدا

مها : ههههه معلىش كنت بتكلم ف الموب ولما لفيت فجأه اتخضيت  
اخبارك ايه

محمود : انا الحمد لله تمام وانتى

مها : الحمد لله

محمود : ايه اخبارك فى جديد ؟

مها بابتسامه واسعه : الحمد لله يامحمود ربنا هدانى ولحقت نفسى على اخر لحظه خلاص كل  
الامور لحد دلوقتى ماشيه تمام

محمود : الحمد لله يارب دايمًا

مها : يارب ليا وليك انت تستاهل كل خير  
وجميلك هي فضل فوق راسى طول العمر

محمود بعتاب : عيب عليكى احنا اخوات قولتلك كدا كام مره ؟

مها : ربنا يخليك انت مش عايز منى اى حاجه اقدر اساعدك بيها ؟

محمود : امممم الحقيقه هى حاجه كدا بس مكسوف اقولك عليها

مها : خير ؟

محمود : طيب انتى هتتحضرى المحاضره ؟

مها : اه بجيب اكل بس

محمود : خلاص يلا نجيب ونطلع الاول عشان منتأخرش وهعرفك لما نخلص

مها : خلاص تمام يلا بينا

.....

في مكتب هاني

ياسر : مش دي اللي كانت بتحبك في الكليه ؟

مصطفى : يخربيت دماغك ارحمني

ياسر : هههههههههههههه عيب عليك

هاني : طب والله دي فكره كويسه  
احنا كدا كدا لازم نتبرع

مصطفى : انا بتبرع من زمان  
بس الموضوع دا هيبقى احسن  
... وكمان جتلى فكره ثانيه

هاني : ايه هي

مصطفى : احنا ممكن ننزل سعر دوا معين عن باقي الشركات دا هيفيدنا من جهتين اولاهيساعد  
الناس المحتاجه ، ثانيا هيعمل تسويق ودعايه كبيره لشركتنا

هاني : بس دي هيبقى فيها خساره

مصطفى : وبرده هيبقى فيها مكسب واحنا ممكن نتفادى الخساره اننا نعمل نفس الكميات  
والمواصفات للدوا بس نقلل ف الكماليات يعني شكل عليه الدوا او الخامه وكدا نعوضها يعني

ياسر : فكره حلوه فعلا هتبقى نوع من انواع التسويق  
ممکن نخليها في دوا مطلوب على طول زي السكر والضغط  
وكمان كتر الطلب على المنتج بتاعنا هيعوض الخساره وممكن يدي مكسب اكبر كمان

هاني : خلاص وماله مفيش مانع نعمل دراسه ونظبط الموضوع دا

ياسر : ربنا يوفقنا

مصطفى : امين يارب  
بالنسبه للمناقصه اللي قولتلي عليها يا هاني ايه نظامها

هاني : لا سيبك منها شكلها مشبووه







مها : ايه مش هتقولى

محمود وبص على سلمى : وقت تانى ان شاء الله سلام عليكم

مها وفهمت قصده : وعليكم السلام

سلمى : ها هتعملى ايه

مها : ايه رأيك ناكل ؟

سلمى : تاااa

مها : ههههههههههههه خلاص خلاص  
استنى شويه معايا زمان مصطفى جاي

سلمى : هو انتى لسه مقولتيش لمصطفى زى ما اتفقنا ؟

مها ودق قلبها : كل ما اجى ا قوله اخاف

سلمى : تخافى ليه انتى غلطتى بس كان غضب عنك دا غير انه الحمد لله مجاش جنبك ولا اتماديتى

مها : مش عارفه بقى تفتكرى ؟

سلمى : يابنتى اتشجعى متخافيش كدا

مها : حاضر خلاص هقوله انهاردته وامرى لله

سلمى : متخافيش كله خير

مها : يااa

سلمى : طيب اتصلى بيه شويه فين ؟

مها : طيب استنى  
وشويه ورجعت تانى

مها : خلاص اهو جه على البوابه  
يلا عشان نوصلك

سلمى : لا انا رايحه لخالتو وبيتها هنا ما انتى عارفه مش مستاهله

مها : اممم ماشى يا حبيبتى خلى بالك من نفسك ولما اروح هكلم سالى اطمئن عليها

سلمى : حاضر وانتى كمان وعرفينى عملتى ايه  
سلام

.....

راحت مها لمصطفى  
ونزل فتحلها العربيه  
مصطفى : تعرفى انك وحشتينى اوى

مها ووشها احمر : وانت كمان

مصطفى : هتفضلى تتكسفى كتير دا انتى مراتى

مها : غصب عنى

مصطفى : اكرر حاجه كانت بتشدنى ليكى اصلا

مها : طيب ايه مش هنروح

مصطفى : لا انا عازمك على الغدا

مها : فين بقى

مصطفى : لالا المكان مفاجاه

مها : لا بجد قول

مصطفى : اصبرى على رزقك المكان مش بعيد 5 دقائق من هنا

مها : امممممم حاضر

وفعلا بعد وقت قليل وصلوا للمكان  
مها بفرحه : ايه دا مركب

مصطفى : ايون ياستى عرفت بقى انك غاويه مراكب هو اه مش فى بحر زى العين السخنه بس اه  
اي ميه

مها : اى مكان حلو معاك

مصطفى : حلو بيكى يا حبيبتى يلا بينا  
وظلعوا على المركب

مها : المنظر هنا جميل اوى سبحان الله

مصطفى : فعلا  
يلا هتطلبى ايه

مها : كملها للاخر وخليها على ذوقك

مصطفى : امممم ماشى  
وطلب ليهم اكل

مصطفى : احكىلى بقى عملتى ايه انهارده

مها : مفيش حضرت محاضره وجبت ورقها وجيت

مصطفى : ربنا يوفقك يا حبيبتى  
وسلمى عملت ايه

مها : خلاص هى هتكلم بابها انهارده ونخلى ياسر يتصل يحدد معاد معاه

مصطفى : طيب تمام

وسكتت شويه  
مها : مصطفى عايزه اقولك حاجه

مصطفى : خير يا حبيبتى اتفضلى

- .
- .
- .
- .

.....

الحلقه الاخيره  
\* الجزء الاول \*

تانی یوم

سلمی بخضه : ایه یا طنط مالها مها

الام بعیاط : والله مانا عارفه احنا دخلنا علیها لقیناها مرمیه ع الارض وغرقانه دم

سلمی : لیه بس ایه اللی حصل ؟

وحکت لها علی اللی حصل

سلمی : یعنی ماقالتش ای حاجه

الام : لا یابنتی هو دا اللی حصل

سلمی : طب الدكتور قال ایه

الام : قال صدمه والنزيف دا كان بیحصلها وهی صغیره لما كانت تزعل اوی بس من زمان محصلش کدا

سلمی : لا حول ولا قوه الا بالله ومکلمتیش مصطفی ؟

الام : کلمته کتیر اوی ما بیردش وفي الاخر موبایله اتقفل

سلمی بقلق : وهی عامله ایه دلوقتی

الام : ماکلتش حاجه من امبارح ولا نامت ومبتردش علینا خالص

سلمی : طیب انا هدخلها

الام : ادخلی یابنتی یمکن ترد علیکی

دخلت سلمی الاوضه اللی فیها مها

! وکانت مها قاعده علی السریر وشکلها کأنها کبرت 10 سنین  
عیون حمرا ملیانه دموع و وش شاحب جدا زی الاموات

سلمی : حمد الله علی سلامتک یا حبیبتی  
\_\_\_\_\_ : مها

سلمى : كدا تخضينا عليكي يا وحشه انتى بتدلعى ولا ايه

مها فى سكوت تام

سلمى : مصطفى قلقان عليكي خالص

زادت دموع مها بعد اسم مصطفى

سلمى باستغراب : مها مالك يا حبيبتى

ردى عليا عشان خاطرى يمكن اقدر اساعدك بلاش تكتمى فى نفسك كدا

! طب قوليلى حصل حاجه مع مصطفى

سلمى بعصبيه : ردى عليا يا اما هروح البيت لمصطفى دلوقتى

مها بسرعه : لاء

سلمى : اووف يعنى لازم ازعق عشان تتكلمى ايه جو الافلام دا

مالك بقى يابنتى ايه اللى حصل هو انتى قولتيله ولا لاء

مها بصوت ضعيف : اقفلى الباب

سلمى وقامت قفلت باب الاوضه : تمام كدا فى ايه بقى ؟

مها وبدأت فى العياط قامت سلمى قعدت جنبها واخذتها فى حضنها

سلمى : بسسس يا حبيبتى بتعيطى ليه بس مفيش حاجه تستاهل

مها : طلقنى يا سلمى

سلمى بصدمة : يانهار ابيض بتقولى ايه ازاي و ليه ؟

احكيلى براحه

.....

فى الشركه

مصطفى: تعالى يا يسرا عايزك

يسرا : حاضر يافندم

بعد شويه دخلت يسرا المكتب لمصطفى

يسرا : نعم حضرتك

مصطفى : اتفضلى افعدى عايزك

يسرا : خير حضرتك

مصطفى : انا كنت قابلتك قبل كدا فى حفلة خطوبه لدكتور فى الشركه فاكراه ؟

يسرا : ايوه

مصطفى : كان معاكى خطيبك

مش اسمه محمد برده ؟

يسرا بثقه : اه محمد

بس معلومه حضرتك غلط انا نهيت الخطوبه

مصطفى باستغراب : ليه ؟

يسرا : يعنى حصل شويه مشاكل بينا ومحصلش نصيب

مصطفى : و الكلام دا من امتى ؟

يسرا : بعد ما عرفته على حضرتك فى الحفله باسبوع

مصطفى : اممم طيب خلاص

يسرا : هو فيه حاجه ؟

مصطفى : انا عارف ان دى اسئله شخصيه بس كان فى حاجه عايز اعرفها وخلاص وصلت اتفضلى انتى

يسرا : اللى تشوفه حضرتك

وخرجت يسرا بسرعه واتكلمت فى موبايلها

يسرا : ايوه يامحمد

محمد : ها ؟

يسرا : حصل بالطبط زى ما قولت فعلا افترك وسألنى عليك

محمد بسرعه : وعملتى ايه ؟

يسرا : زى ما اتفقنا بالطبط ومابينتش اى حاجه

محمد : تمام كدا انا كنت قلقان من الحته دى كانت غلطه منى من الاول انى كشفت نفسى بس  
اهى اتلحقت

يسرا : ههههههههه عليك دمااااااااااغ

محمد : عارف عارف

,,,

فى المستشفى

سلمى بصدمة : انا مش مصدقه ان كل دا يحصل

مها : انا بس اللى صعبان عليا ان مصطفى يصدق عنى كدا

سلمى : غضب عنه اى حد فى مكانه كان هيصدق

مها : بس هو مش جاهل وعارف ان فيه برامج بتلعب ف الصور

سلمى : انتى غلطانه مانا قولتلك قولى وماكانش هيحصل حاجه

يلا الحمد لله على كل حال

اكيد ليها حل

مها : انا ندمانه والله بس غضب عنى ماكانش سهل اقوله فى وشه

سلمى : خلاص سيبيها لله كدا ويلا خلينا نمشى من المستشفى نروح البيت عشان متقلقيش طنط  
اكثر من كدا

مها بدموع : مش عايزه اتكلم مع حد ولا حد يعرف

سلمى : كدا هتاخذى ادويه على الفاضى وقعدة المستشفى تجيب اكنتاب  
وبالنسبه للطلاق لازم يابنتى يعرفوا

مها : طيب هقول ايه السبب

سلمى : ماتقوليش حاجه قولى نصيب وخلص ومنتكلميش  
يلا يامها قومي من هنا وليها حل والله متخافيش

مها : يارب

سلمى : يلا هاكلم الدكتور وانتى حاولى تمسكى نفسك كدا الامتحانات خلاص مابقاش عليها الا  
اسبوعين

مها باستسلام : حاضر

.....

فى الشركه  
ياسر : انت بتقول ايه يابنى

مصطفى بنغاز صبر : اللى سمعته يا ياسر طلقتها

ياسر : ازاي وامتى وليه مش فاهم حاجه

مصطفى : امبارح وليه دى تخصنى انا

ياسر : متخافش يامصطفى سرك معايا ع طول  
قولى يمكن فيه حل

مصطفى بعصبيه : انا اخدت قرارى خلاص يا ياسر

ياسر : لا حول ولا قوه الا بالله طيب اللى يربحك

مصطفى : انا خلصت كل حاجه خاصه بالشركه اليومين الجايين واخذت اجازة

ياسر : هتروح فين طيب

مصطفى : عايز ابقى لوحدى شويه  
يلا انا ماشى سلام

وبعد ما مشى

ياسر : ايوة يا هانى انت فاضى دلوقتى ولا فيه شغل ؟



طيب انا جايلك عايزك فى حاجه

.....

فى بيت مها

خالتها : حمد الله على سلامتک يا حبيبتى

الام : خضتيني عليكى يا مها

سلمى : ما انتى اللى دلعتيها من صغرها يا طنط

الام بابتسامه : مش بنتى الوحيدده هدلع مين غيرها  
وبصت لمها  
مش هتقوليلى ايه اللى حصل بقى يابنتى

مها بصت لسلمى بقلق  
ردت سلمى بسرعه : مش وقته يا طنط خليها تاكل الاول

الام بشك : هتاكل وكل حاجه بس مش هاقوم من هنا غير لما اطمن عليها فى ايه يا مها

مها بتنهيده : مفيش ياماما اطلقت

الام بصدمه : لا حول ولا قوه الا بالله انا لله وانا اليه راجعون  
ليه كدا يابنتى

مها : اهو اللى حصل ياماما

الخاله : خلاص دلوقتى مش مهم الاسباب قومى انتى ريحى يا مها

الام : لا كلى الاول

مها : معلش ياماما ماليش نفس دلوقتى

الخاله : متضغطيش عليها سببها تنام

سلمى : وانا هقوم اروح بقى يا حبيبتى وان شاء الله هجيلك بكره اطمن عليكى

مها : ماشى يا سلمى ربنا يخليكى

سلمى : بس يابت بلاش هبل  
ادخلى يلا

وقامت مها دخلت اوضتها

سلمى بهمس : بصى ياطنط ماتضغطيش عليها دلوقتى وتسألنى ع السبب اكيد هى لسه مصدومه

الام : هى ماقلتش ليكى حاجه ؟

سلمى : لا خالص وانا محبتش اسأل سيببها بس كام يوم كدا وانا هحاول اشوف الموضوع دا

الام : ماشى يابنتى ربنا يعوض علينا

.....

! هانى : يعنى بعد ما كانوا تمام يتطلقوا

ياسر : انا متضايق جدا  
بس اوعى تقوله حاجه ولا تقول لمراتك

هانى : مش هاقول ياسيدى دى ف التاسع وممكن تروح فيها  
بس اكيد هتعرف

ياسر : الكل هيعرف بس استنى الاول لما نشوف حل

هانى : ايه هو

ياسر : انا فكرت فى حاجه بس مش عارف ايه النظام

هانى : قووول

.....

تانى يوم فى الجامعه

سالى : تمام وايه الحل

سلمى : انا فكرت اكلم محمود هو اللى كان معاها وهيشهد انها مادخلتس

سالى : تصدقى فعلا

بس هنجيب مصطفى منين ؟

سلمى : نروحله الشركه اكيد مش هيسيب شغلها

سالى : ومحمود ؟

سلمى : هنلاقيه ف المدرج اكيد او نجيب رقمه من مها المهم نتصرف

سالى : تمام قدامنا ساعه ع المحاضره خلينا هنا يمكن نشوفه

وفجأه

سالى : ايه دا يابت مش دا ياسر برده

سلمى : اه ايه اللى جابه هنا

وقرب منهم ياسر

ياسر : السلام عليكم

سلمى وسالى : وعليكم السلام

ياسر : انا اسف انى جيت الكليه بس الموضوع ضرورى ومش عارف اوصل لحد فيكم غير من هنا

سلمى : لا ابدأ حصل خير

سالى : اكيد تقصد مها ومصطفى

ياسر : بالظبط كدا

سلمى : طيب اتفضل اقعد الاول

ياسر : مفيش اى كافيه بره نقعد فيه ؟

سلمى باحراج : معلىش احنا عندنا محاضره

ياسر : خلاص خلينا هنا

مها مافالتش حاجه ليكوا ؟

سكتت سلمى ماكانتش عارفه تقول ايه تحكى على اللي حصل وتبقى طلعت سر صاحبها ولا ! ماتحكيش وتبقى قفلت باب مساعده عليها

ياسر : انا مش عايز اتدخل فى خصوصياتهم بس بصراحه هما صعبانين عليا احنا ما صدقنا العلاقه بينهم تتظبط

سالى باستغراب : هو انت كنت عارف ؟

ياسر بابتسامه : مصطفى صاحبى برده بس انا عمرى ما طلعت كلمه بره

سالى : لا مش قصدى والله

ياسر : عارف المهم هنعمل ايه

سلمى : احم بص بصراحه انا لو قولتلك هنعمل ايه يبقى انا كدا هقول سرها

ياسر بعدم فهم : يعنى ايه مش هينفع اعمل حاجه ؟  
اكيد مش هقف اتفرج ع صاحبى

سلمى : لا انت هتعمل بس اللي هاطلبه منك

ياسر : اممم زى ايه

سلمى : انا كنت هاجى لمصطفى الشركه انهاردته واتكلم معاه

ياسر بضيق : مصطفى سافر

! سالى وسلمى ف نفس الوقت : سافر

ياسر : للاسف ومعرفش راح فين ولا فاهم اى حاجه

سلمى : طيب هو قالك اى حاجه عن سبب الطلاق ؟

ياسر : لا خالص قال حاجه تخصنى ودى اول مره يعمل فيها كدا ودا سبب قلقي واللى خلانى اجى هنا

سلمى : طب دورك دلوقتى تجيب مصطفى من تحت الارض وجوده هو اللي هيجل المشكله وسيب الباقي علينا ان شاء الله





محمود بقلق : فى ايه

سلمى : بص تعالى نجيب ميه من الكافتريا وهحكيلك واحنا ماشيين احسن من الوقفه دى

محمود : اوك اتفضلى

وحكت سلمى على اللى حصل

محمود : ياربى اهو دا اللى كنت خايف منه

سلمى : كلنا كنا خايفين منه

محمود : سيبها عليا انا هتصرف مع الكلب اللى اسمه محمد

سلمى :لا لا بلاش مشاكل خصوصا معاه واضح انه طلع شرانى فعلا وماكانش بيهدد وبس

محمود : يعنى هنسكت كدا

سلمى : بص انا عندى فكره احسن بس لو تقدر تنفذها

محمود : قصدك

سلمى وقاطعته : ايوه تكلم انت مصطفى

من حسن الحظ ان مها حكته عنك يعنى الى حد ما انت مصدر ثقه ع الاقل عشان احترامك  
مممكن اوى يصدقك

محمود : وافرضى ماصدقش

سلمى : اضعف الايمان نبقى عملنا شك عنده زى ما بيقولوا العيار اللى ما يصبش يدوش  
هنخليه يعيد تفكير تانى وبشك فى نفسه

محمود : معاكى حق

طب هاتى عنوانه وانا اروح احكيه ع كل حاجه

سلمى بحزن : اهو دا اللى مش عارفين نوصله

محمود : ليه ؟

سلمى : مصطفى اخذ اجازته من شغله وسافر ومحدث يعرف هو فين

محمود : طيب وهنعمل ايه ؟

سلمى : مفيش قدامنا غير اننا نستنى

.....

فاتت ايام ويبقى الحال كما هو عليه  
! لا مها بتهدى ولا مصطفى بيظهر

فى اخر يوم امتحانات

سلمى : ياااااااااا ااه اخيرا خالصنا الترم دا كان ثقيل اوى

سالى : اه الحمد لله انا كدا اولد وانا مطمئنه

سلمى : هههههههه ياختى انا قرفت منك حاسه انك حامل ف العاشر مش هتخلصينا بقى

سالى : لسه ياستى اتقلى على الرز

سلمى : خايغه يشيط والله

سالى : هييه فشر ياختى وبعدين انا لسه فى اول التامن  
اما نشوف ياختى حملك هييقي ازاي بعد التريقه دى

سلمى : انا ؟ دا انا هبقى قمر  
وبصت لمها ولا ايه يا ميهو

مها بسرحان : ايه ؟

سلمى : ايبيبيبييه يابنتى بقالنا ساعه بنتكلم ولا انتى هنا

مها : معلش مسمعتش

سالى : ايه يابنتى بقى هتفضلى كدا كتير

مها : يوهه هنبداً بقى

سالى : ايوه هنبداً انتى مش شايفه حالك خسيتى النص وشك بقى زى الزفت كأنك عندك 50 سنه  
تحت عينيكي هالات ولا المدمنين مش هتفوقى لنفسك بقى



مها بعصبيه : منا ببقى على طول كدا ايام الامتحانات

سالى : دا على اساس انى اول مره اعرفك يامها

سلمى : خلاص ياسالى

سالى : لا مش خلاص لازم تفوق لنفسها

مها : عايزانى اعمل ايه يعنى ارقص

سالى : هو يا كدا يا كدا مفيش عندك وسط

مها : بالله عليكى يا سالى سيبينى فى حالى انا همشى

سلمى : ايه دا لا انا عايزه اخرج دا اخر يوم

مها : معلش تتعوض لسه فى ترم جاى

سلمى : طيب انا خطوبتى الاسبوع الجاى مش هتشفوفى الفستان معايا

مها : معلش ياسلمى خدى سالى وروحى  
يلا سلام

سلمى بتنهيده : كان لازم تفكرىها

سالى : وانتى افكراها يعنى بتنسى  
انا حاسه بوجعها ونفسى اعملها حاجه

سلمى : مصطفى لسه مختفى معرفش هنعمل ايه  
! هو ممكن الراجل يقسى للدرجه

سالى : مش قسوه بس الراجل الشرقى دايم كدا ممكن يستحمل اى حاجه من حبيته الا الخيانه  
ودلوقتى هى فى نظره كدا

سلمى : يارب يصلح ليهم الحال بقى

سالى : امين يارب

ورن موبايل سلمى

سلمى : استنى دا ياسر

وبعدت شوويه

سلمى : السلام عليكم

ياسر بسرعه : وعليكم السلام سلمى عندي خبر حلو

سلمى : خير ان شاء الله

ياسر : مصطفى جه الشركه

!

سلمى : بتتكلم بجد ؟

ياسر : ههزر في دي يعنى يا سلمى

هتعملى ايه

سلمى : هو موجود لحد امتى ؟

ياسر : مش عارف بس تقريبا هيقيعد عشان فيه شغل كتير

سلمى : تمام اقفل وانا هاتصرف

وبعد ما قفلت

سلمى : مصطفى جه انا هكلم محمود

سالى : طيب استنى شوويه يهدى

سلمى : ياسلام ياختى يعنى هو يهدى ويروق باله ونسيب صحبتنا تولع لا هيروحله دلوقتى

,,,,,,,,,,,,,,,,,,,,,,,,,,,,,

فى البيت

الام : عملتى ايه انهارده

مها : الحمد لله

الام : كان سهل ولا صعب

مها : عادى يعنى

الام : طيب يلا عشان نتغدى

مها : لا كلوا انتوا مليش نفس

الام : يابنتى انتى خسيته اوى مينفعش كدا لازم تتغدى

مها : عارفه عارفه هادخل انام وابقى اقوم اكل

.....

فى العربيه

سلمى : خلاص اتفقنا

محمود : هى دى الشركه ؟

سلمى : اه هى يلا

ونزلوا من العربيه ودخلوا الشركه وفى الاستعلامات

وسألوا على مكتب مصطفى

فى المكتب

السكرتيره : ايوه يافندم اتفضلى

سلمى : لو سمحت عايزه اقابل دكتور مصطفى ضرورى

السكرتيره : بس هو مشغول دلوقتى و

سلمى قاطعتها : معلىش الموضوع مهم اوى هو عارفنى ادخلى قوليله الانسه سلمى بس وهو  
هيعرف

ودخلت السكرتيره وفعلا وافق يقابلهم  
ولما دخلوا

مصطفى : اهلا ياسلمى اتفضلى

سلمى : شكرا يادكتور اعرفك محمود زميلى

مصطفى بشك : اه اهلا وسهلا اتفضلوا اقعداوا  
خير عرفت ان فيه موضوع مهم ؟

.. سلمى : اه هو

محمود وقاطعها : بصراحه انا اللى عايز حضرتك

مصطفى : طيب اتفضل

محمود : انا عارف ان الموضوع شخصى ودا مش مكانه بس مضطر  
وبص لسلمى ورجع كمل كلامه

..مش عارف مها قالتك عليا ولا لاء انا زميلهم من سنه اولى و

مصطفى : اه عرفتك فعلا كانت قالتلى عليك قبل كدا

محمود : تمام انا جاى اشهد شهاده ربنا يحاسبنى عليها ان سبب مشكلتك مع مها مالهاش اصل من  
الصحه غير فى حاجات بسيطه بس الصور او اى حاجه تانيه اى كانت مش مها اللى فيها

!!مصطفى باستغراب : وانت تعرف منين

محمود : هحكيلك واتمنى انك تبقى مصدق وسلمى معايا وتشهد على كلامى  
الموضوع دا كان بينى وبين مها ومحمد وسلمى وسالى كانوا يعرفوا من مها

وحكاله محمود على كل حاجه بالتفصيل

محمود ف اخر الكلام : وانا بشهد ان مها مدخلتش شقه محمد لانى كنت معاها وساعتها اتصلتوا بيها  
عشان والدها كان تعبان  
ووالدها ماكانش السبب انها مدخلتش انا اللى اصريت نروح عشان اقنعها انها غلطت  
بس هى ماكانتش عايزه تعمل دا وكانت خايغه عشان كدا اخدتنى معاها حمايه ليها

سكت مصطفى شويه وبرد غير متوقع : وانا اعرف منين ان الكلام دا صح مش يمكن بتعملوا كدا  
عشان اصحابها

... سلمى بعصبيه : انت كمان مش مصدق والله حرام عليك

محمود : استنى ياسلمى  
معاك حق متصدقش

انا مش معايا حاجه تثبت اكثر من مواعيد مكالمات بينا قبل ما نروح ودا يوم وفاه باباها يعنى اكيد انت  
فاكر التاريخ كويس  
كمان فى حاجه انت نسيتها وان ماكانش ليا الحق اتكلم فيها لانها خاصه جدا  
سكت شويه وقال باحراج  
!! يعنى انت اكيد عرفت انك اول واحد لمست مها ازاي هتبقى انسه وهى فى الصور بوضع تانى

سلمى : بص يامصطفى مش هنتكلم اكثر من كدا بس ربنا قال متقدفش المحصنات بالباطل  
حتى لو مراتك غلطت وكان بسبب ظروف وانها مشيت ورا كلام كداب ومعسول انت راجل وعافل كان  
لازم تتأكد قبل ما تعمل فيها كدا

مصطفى بيروود : انا ماعملتش غير حقى

سلمى ومسكت اعصابها : حقك ماشى وحقها برده تسيبها تدافع عن نفسها مش تحطها فى وضع  
اتهام وتمشى وتسيب القضية  
احنا عملنا اللى علينا وانت حر لو حابب تفضل ظالم اكثر من كدا  
براحتك

محمود : انا مستعد اجيبلك محمد واخليه يعترف قدامك

مصطفى : خلاص مفيش داعى اللى حصل حصل

سلمى بعصبيه : اوك انت حر يلا يامحمود

محمود بحزن : اتمنى انك تفكر تانى ودا رقمى لو حبيت نتكلم

وبعد ما نزلوا

سلمى : شكرا يامحمود تعبتك معايا الظاهر مفيش فايده فيه

محمود : متقوليش كدا مها اكثر من اختى  
بس انا عندى امل انه يفكر تانى  
انتي نسيتى ؟ العيار اللى مايصيبش يدوش

ياالرب :سلمى بابتسامه  
ان شاء الله خطوبتى الخميس الجاى انت اكيد هتيجى

محمود : الف مبروك باذن الله هاجى  
تعالى اوصلك

سلمى : لا انا هستنى ياسر هنقابل سالى عشان نشوف الفستان

محمود : تمام استأذن انا

و دى نهاية الجزء الاول

الحلقة الاخيرة

\* الجزء الثانى \*

فى مول مشهور

ياسر بعصبيه : بس انتى ماقولتيش ان هبقى فى شاب معاكى

سلمى : معلىش يياسر انا اسفه

ياسر : برده مفهمتش كان ايه لازمته

سلمى بحزن : المشكله انى مش هعرف افهمك كدا هاضطر احكى

سالى : خلاص يا دكتور ياسر عندى انا المره دى

ياسر : لا عندك ولا عندها كله عشان خاطر مصطفى ومها بس

سالى : ايه دا وانا ماليش خاطر دا انت شرير متخطبش ليه يابت

ياسر : ههههههه لا كلكوا ليكوا خاطر بس يلا عشان نشوف الفستان قبل ما الحاج يتصل يقولى خطفت البت

,,,

فاتت ايام كتير ومغيش جديد فى الموضوع

ويوم الخطوبه

فى التليفون

سلمى بزعل : يعنى مش هتيجى معايا الكوافير يا مها

مها : معلش ياسلمى بلاش اانا

سلمى : يوووه يعنى مش هتيجى الخطوبه كمان ؟

مها : لا ازاي هاجى طبعاً بس قوليلي وجاوبى بامانه يا سلمى  
مصطفى هييجى ؟

سلمى : والله معرفش يامها عشان ماابقاش كدابيه بس حتى لو جه احنا مالنا ياستى مش هاحكم  
على ياسر مايحيبش صاحبه

مها بتردد : طيب ياحبيبتى ربنا يتمملك ع خير اشوفك هناك

سلمى : ماشى ياستى وماله

و بالليل

لبست مها فستان طوويل لونه اسود فى فضى  
وعليه طرحه عاديه لونها فضى  
وراحت مع امها وخالتها للقاعه اللى فيها الخطوبه

وبعد ما دخلوا بشويه دخلت العروسه  
وكانت لابسه فستان ازرق وداخل فيه فصوص فضى  
والعريس بدله فضى وكرافت ازرق

الام : ما شاء الله زى القمر

مها : اه سلمى طول عمرها قمر

وبعد تقاليد الخطوبه العاديه  
وفى نص الحفله قامت مها عشان تقف جنب سلمى

مها : الله اكبر ايه القمر دا

سلمى : بجد ياميهو ؟

مها : بجد ياحبيبتى ربنا يحميكى

الف مبروك يا ياسر ربنا يتملكوا على خير

وسابتهم مها ودخلت بلكونه فى القاعه

وسرحت شوپه

( مها ) يارب انا تعبانه اوى ومنكده على كل اللى حواليا يارب حلها من عندك انت اللى عالم  
ومن غير ما تحس قالت بصوت على : ياارب

فجأه سمعت صوت من وراها

يارب ايه ؟ :

ضربات قلب سريعه نفس داخل طالع بسرعه كأنها بتجرى كيلو  
رعشه ف الجسم  
! انا عارفه الصوت دا مش غريب عليا

لفت مها بسرعه

! مها بصدمة : مصطفى

مصطفى بابتسامه : شايفه حد غيرى هنا

سكتت مها من الصدمه ماعرفتش ترد

! مصطفى : وحشتينى

! مها باستغراب : نعم

مصطفى بهزار : ايه يا مها مابقيتيش تسمعى ولا ايه بقول وحشتينى

مها بعصبيه : انت جاي تهزر بعد شهر وبكل سهوله تقولى وحشتينى ! ميوحشكش وحش يادكتور  
مصطفى بعد اذنك

مصطفى ومسك ايدها بسرعه : رايجه فين استنى

مها : لو سمحت اياك تلمسنى تانى انت مش محلل ليا عشان تلمسنى

مصطفى : امممم بسيطه ابقى محلل  
: وخذ نفس طويل وقال

مها انا رديتك لعصمتى



ومسكها من ايديها تانى

مها بذهول : انت انت ازاي تعمل كدا

مصطفى : انا حر فى مراتى

مها : انت فاكر نفسك مين لعبه فى ايديك ترمينى وتاخذنى وقت ما انت عايز وشالت ايديه بعصبيه اوعى كدا لو مطلقتنيش هرفع عليك قضيه

! مصطفى : ترفعى على حبيبك قضيه

مها : حبيبي ميبيبين انا باكرهك اوعى كدا سبنى

رجع شدها بس المره دى بره البلكونه فى القاعه وبصوت واطى : امشى كويس قدام الناس عشان بيصوا علينا

مها : هاصوت والم الناس اللى بيصوا دول عليك

مصطفى : وتضيعى فرحة صاحبك ؟ امشى امشى خلينا نطلع بره فى الهدوء

واستسلمت مها وخرجوا بره القاعه ووقف قدام العربيه

مصطفى : ادخلى

مها : مش هادخل سيبنى بقى

مصطفى ودخلها غضب : لما جوزك يقولك ادخلى يبقى تدخلى

وركب العربيه وقفل ابوابها

مها بعصبيه : انت ايه يااخى بجد مشوفتش فى برودك عايز منى ايه

مصطفى : امممم بغض النظر عن الشتيمة عايزك

مها : هههههههههههه لا بجد ؟ ضحكتنى دلوقتى عايزنى ؟ ايه مش كنت وحشه وخاينه وكل الحاجات دى

مصطفى : طيب هتهدى وتسمعى ؟

مها : مش عايزه اسمع منك حاجه

مصطفى : لا اسمعى وليكى القرار بعد كدا ولو الكلام معجبكيش هطلقك ومش هرجعك تانى

مها : اتفضل يامصطفى عايز ايه

مصطفى : بصى يا مها احنا الاتنين غلطنا  
انتى غلطتى لما عملتى اللى عملتية وانا غلط لما مسمعتكيش

مها : بمعنى ؟

مصطفى : لو سمحتى اسمعى للاخر

مها : اتفضل

مصطفى : بعد ما شفت الصور وسمعت بودنى المكالمه كنت عامل زى المجنون ماكنتش عارف افكر  
اي حد مكانى كان هيبقى كدا  
طلعت اللى فيا فيكى من غير ما افكر او اقرر او حتى اسيلك فرصه تدافعى ماكنش عندى استعداد  
اسمع

بعد ما نزلتى بصيت ف الصور تانى وركزت لقيت اللى انتى معاه دا محمد اللى يسرا السكرتيره قالت  
عليه خاطبها  
طبعا انا شكيت فيهم وخصوصا ان يسرا دى ماكانتش مطبوطه معايا

وسألتها عليه قالت انهم فسخوا الخطوبه ودا شككنى اكثر فيها

ولما خرجت من المكتب كان فيه قلم وقع منى وانا بامضى اوراق ولما نزلت اجيبه لقيت جهاز تصنت  
تحت المكتب ماكنتش شايفه

! مها باستغراب : جهاز تصنت

مصطفى : اه والله

وبعدها بدأت الصوره توضح ليا اول باول  
وقررت انى اتأكد وشديت مع ياسر وقولتله اننا اطلقنا وانى مسافر  
وبعدها خرجت ورا يسرا وعشان ربنا رايد انها تنكشف الغيبه راحت بيت محمد واللى سألت بعد كدا  
وعرفت انه بيته

مها : وبعدين ؟

مصطفى : وبعدین روحت ع مبرمج كمبیوتر و بیفهم ف الفوتوشوب و اكدلی ان الصور ملعوب فیها

وساعتها فهمت كل حاجه

بس النقطه اللی ماكانتش واضحه عندی انتی ازای عرفتیہ و ازای قولتلی ان دا فعلا صوتك فی المکالمه

ولما مقدرتش اوصل قررت انتقم من محمد

وبلغت عنه ناس حبايبي و اتاخذ قضیه اعمال مشبوہه

ويسرا صبرت عليها لما صفقات الشركه خلصت و خليتها تعترف بكل حاجه و اترجنتی اسيبها و طردتها  
عشان ماتطلعش اسرارنا بره و سبتها لربنا عشان ماابقاش فضحت واحده

مها : والمطلوب منی دلوقتی تعرف علاقتی بمحمد

مصطفى قاطعها : لا یاستی انا لما خلصت كل دا و رجعت تانی الشركه من اسبوع جاتلی سلمی  
وزمیلکوا محمود و حکوا الموضوع ع اساس انی معرفش حاجه و یأكدوا انك مظلومه

! مها باستغراب : سلمی عملت کدا

مصطفى : ایوه وانا عملت نفسی مش موافق قدامها ولما مشیت کلمت محمود و فهمته كل حاجه  
وشکرته کمان

وبس یاستی ادینی جتلك

وبقولك انا بحبك و مسامحك و عايزك تفضلی مراتی ام ولادی  
وليکی القرار

مها : قبل ای حاجه لازم اشرحك علاقتی بمحمد

مصطفى : من غير ما تقولی انا کلمت سلمی و فهمتني اكثر و عارف انك غلطتی بدون قصد و صدقینی  
مش عايز اسمع دلوقتی اكثر من قرارك  
موافقه نرجع یامها

مها برخامه : افکر

مصطفى : هههههههههه یابت انتی تطولی

مها بدموع : مصطفى انت مسامحني ؟

مصطفى : اهم حاجه انتی اللی تسامحینی یامها

مها : مسامحاك

وخدها فى حضنه  
مصطفى : بحبك اوى والله

مها : وانا كمان

مصطفى : طيب يلا بينا نفرح ماما واردك قدام كل الناس

.....

وبعد 3 سنين

مصطفى : يامها!!!!!!!!!!!!!! يا مها!!!!!!!!!!!!!!

مها : ايه يامصطفى بتنادينى من تانى بلد

مصطفى : خدى بنتك جنتنى

مها : ههههههههههه احسن اشرب شوويه يا استاذ  
وبصت لبنتها ( لجين ) : براحتك ياقلبي طلعي عين بابى

مصطفى : ههههههههههه بقى كدا ماشى بتعملى ايه ياختى وشاغلك عنى

مها : ابدأ ياسيدى باكتب روايه تلخص كل حاجه حصلت فى حياتى عشان البنات تستفاد منها وتبطل  
تمشى ورا عواطفها من غير ما تتأكد

مصطفى بابتسامه : ربنا يباركلى فيكى

مها : ويباركلى فيكوا يا حبيبي

.....

نروح لبقية ابطالنا

ياسر وسلمى اتجوزوا وربنا رزقهم بأدم

ميار اخت مصطفى \_ خلفت توأم سمتهم مها ومصطفى

سالى \_ ربنا رزقها بساره وعمر

.....

تمت بحمد الله ،،،،،،،،،،